

湯液本草序

世皆知素問為醫之祖。而不知軒岐之書實出於神農本草也。殷伊尹用本草為湯液。漢仲景廣湯液為



湯液本草序

大法此醫家之正學雖後
世之明哲有作皆不越此
予集是書復以本草正條
各造三陰三陽十二經為
例仍以主病者為元首臣

佐使應次之不必如編類
者先玉石次草木次蟲魚
以上中下三品為門也如
太陽經當用桂枝湯麻黃
湯必以麻黃桂枝為主本

方中餘藥後附之。如陽明經當用白朮湯必以石膏為主。本方中餘藥後附之。如少陽經當用三禁湯必以柴胡為主。本方中餘藥

後附之。如太陰少陰厥陰之經所用熱藥皆倣諸此。至于金匱祖方湯液外定為常制。凡可用者皆襍附之。或以傷寒之劑改治雜



病或以權宜之料更瘳常
疾以湯為散以散為圓變
易百端增一二味別作他
名減一二味另為殊法醫
壘元戎陰澄略例痲論萃

英錢氏補遺等書安樂之
法湯液本草統之其源出
於潔古老人珍珠囊也其
間議論出新意於法度之
中注音辭于理趣之外見

聞一得久弊全更。不特藥
品之咸精。抑亦疾病之不
悞。天橫不至。壽域可期。其
湯液本草歟。時戊戌夏六
月海藏王好古書



湯液本草序

神農本草百篇之九候以正陰
陽之寒熱以救性之偏。凡
以為養生之法。既者且多。殷
伊尹之志。信于神農。得之



賜^ケ也。觀^ミ潔^ク古^ク之^シ說^ヲ賜^ク也。神^ノ系^ノ
之^シ云^フ。觀^ミ仲^ノ景^ノ之^シ賜^ク也。伊^ノ
尹^ノ之^シ皆^ハ出^テ于^テ神^ノ景^ノ矣^{ナリ}。
以^テ先^ニ本^ニ宗^ヲ次^ニ湯^ヲ陳^ヲ。治^メ備^メ之^シ治^メ。
治^メ保^メ之^シ也。潤^ニ之^シ矣^{ナリ}。年^々已^ニ

以^テ理^ヲ方^ニ依^テ之^シ自^ラ志^ス也。法^ヲ方^ニ應^ジ宗^ヲ海^ニ
造^リ難^ク之^シ考^メ也。仲^ノ景^ノ方^ニ最^モ為^リ
衆^ノ方^ニ之^シ祖^ト是^レ仲^ノ景^ノ本^ニ伊^ノ尹^ノ
法^ヲ伊^ノ尹^ノ本^ニ神^ノ景^ノ之^シ也。殿^ノ爾^ノ帳^ノ
中^ニ。特^ニ為^リ德^ヲ細^ク參^シ之^シ也。法^ヲ方^ニ成^ル

毫末。實大智之以此也。文潞公
業準一云。惟仲一業為。孝方之
祖也。晉唐宋以來。為。鑿。之。名
也。如。王。對。和。葛。洪。孫。田。鮑。之。危
汪。胡。洽。朱。季。漢。王。郭。羊。錄。仲

賜。事。三。已。陳。無。擇。筆。至。漢。治
方。字。增。減。美。易。子。狀。美。然。美。
之。之。事。也。出。于。仲。景。在。至。域。百
有。得。載。有。漢。中。之。人。張。元。生。事。
遇。至。人。傳。習。子。文。借。之。如。法。朔



是子言岐子張璧東垣先生

李杲曰。少祖長沙張仲景

湯液。惜乎。是張有志。予受

業于東垣。人亦以是。而予

友六月。去指。王好古也。



湯液本草目錄

卷一

五臟苦欲補瀉藥味

臟腑瀉火藥

○東垣先生藥類法象

用藥法象

藥性要旨

氣味厚薄寒熱陰陽升降圖

升降者天地之氣交

東垣十書 目錄
用藥升降浮沈補瀉法

五味所用

藥類法象

標本陰陽論

五方之正氣味 制方用藥附

卷二

○東垣先生用藥心法

隨證治病藥品

用藥凡例

東垣報使

諸經嚮導

製方之法

用藥各定分兩

用藥酒洗曝乾

用藥根梢身例

用圓散藥例

升合分兩

君臣佐使法

治法綱要

藥味專精

湯液煎造

古人服藥活法

古人服藥有法

察病輕重

○海藏老人湯液本草

五宜

五傷

五走

服藥可慎

論藥所主

天地生物有厚薄堪用不堪用

氣味生成流布

七方

十劑

卷三 草部

防風

升麻

羌活

獨活

柴胡

葛根

威靈仙

細辛

白芷

川芎

麻黃

藁本

桔梗

鼠黏子

秦艽

天麻

黑附子

烏頭

縮砂

萆澄茄

萆撥

香附子

草豆蔻

白豆蔻

延胡索

茴香

紅藍花

良薑

黃芪

蒼朮

白朮

當歸

芍藥

熟地黃

生地黃

山藥

麻仁

薏苡仁

甘草

白前

白薇

前胡

卷四 草部

木香

知母

貝母

黃芩

黃連

大黃

連翹

連軛

人參

沙參

半夏

五味子

甘遂

大戟

蕘花

海藻

商陸根

旋覆花

澤瀉

紅豆

肉豆蔻

甘松

蜀漆

蒲黃

天門冬

麥門冬

菱鞋

茵陳蒿

艾葉

白頭翁

百合

菝葜

玄參

款冬花

紫參

苦參

蘆根

射干 又名烏扇

敗醬

敗蒲

葦葉

防已

牽牛

三稜

蓬莪茂

草龍膽

瓜蒌根

地榆

紫草

茜根

菊花

葶藶

王不留行

通草

木通

瞿麥

車前子

石韋

白附子

胡盧巴

馬兜鈴

白芨

天南星

鬱金

佛耳草

蛇床

卷五

木部
果部

桂 桂心肉桂
桂枝附

栢子仁

側栢葉

栢皮

槐實

槐花

蔓荊子

大腹子

酸棗

胡椒

川椒

吳茱萸

山茱萸

益智

厚朴

丁香

沉香

乳香

藿香

檀香

蘇合香

檳榔

梔子

黃蘗

枳實

枳殼

牡丹皮

地骨皮

猪苓

茯苓

茯神

烏藥

乾漆

皂莢

竹葉

竹茹

淡竹葉

茗苦茶

秦皮

桑白皮

梓白皮

紫葳 卽凌霄花

訶黎勒

杜仲

琥珀

郁李仁

巴豆

芫花

蘇木

川練子

金鈴子

沒藥

梧桐淚

桑東南根

已上木部

大棗

生棗

陳皮

青皮

桃仁

杏仁

烏梅

木瓜

甘李根白皮

已上果部

卷六

菜部 禽部

米穀部 獸部

玉石部 蟲部

荊芥穗

生薑

乾薑

薄荷

葱白

韭白

薤白

瓜蒂

冬葵子

蜀葵花

香薷

炊單布

已上菜部

粳米

赤小豆

黑大豆

大麥蘖

小麥

神麴

酒

苦酒

一名醋 一名醴

飴

即膠飴

香豉

已上米穀部

石膏

滑石

砒硝

盆硝 即芒硝

硝石

玄明粉

硫黃

雄黃

赤石脂

禹餘糧

代赭石

鉛丹

白粉

紫石英

伏龍肝

白礬

硃砂

硃砂

東流水

甘瀾水

已上玉石部

雞子黃

已上禽部

龍骨

麝香

牛黃

犀角

阿膠

猪膚

猪膽汁

獺肝

猥鼠糞

人尿

已上獸部

牡蠣

文蛤

蝨蟲

水蛭 一名馬蟻

麤蟲

鼠婦

蜘蛛

蟻螬

蜜

蜚蠊

鼈甲

蛇蛻

蟬蛻

白殭蠶

斑猫

烏蛇

五靈脂

緋帛

已上蟲部

湯液本草目錄



湯液本草卷之一

元 古趙 海藏王好古進之甫集

明 金壇 字泰王肯堂損菴甫按

五臟苦欲補瀉藥味

肝苦急急食甘以緩之甘草欲散急食辛以散之川
芎以辛補之細辛以酸瀉之芍藥虛以生薑陳皮
之類補之經曰虛則補其母水能生木腎乃肝之
母腎水也苦以補腎熟地黃黃蘗是也如無他證
錢氏地黃丸主之實則白芍藥瀉之如無他證錢

氏瀉青丸主之。實則瀉其子。心乃肝之子。以甘草瀉心。

心苦緩。急食酸以收之。五味子欲軟。急食鹹以軟之。苦硝以鹹補之。澤瀉以甘瀉之。人參黃耆甘草。虛以炒鹽補之。虛則補其母。木能生火。肝乃心之母。肝木也。以生薑補肝。如無他證。錢氏安神丸主之。實則甘草瀉之。如無他證。錢氏方中。重則瀉心湯。輕則導赤散。

脾苦溼。急食苦以燥之。白朮欲緩。急食甘以緩之。甘草以甘補之。人參以苦瀉之。黃連虛則以甘草大棗之類補之。如無他證。錢氏益黃散主之。心乃脾之母。以炒鹽補心。實則以枳實瀉之。如無他證。以瀉黃散瀉之。肺乃脾之子。以桑白皮瀉肺。

肺苦氣上逆。急食苦以瀉之。訶子皮一作黃芩欲收。急食酸以收之。白芍藥以辛瀉之。桑白皮以酸補之。五味子虛則五味子補之。如無他證。錢氏阿膠散補之。脾乃肺之母。以甘草補脾。實則桑白皮瀉之。如無他證。以瀉白散瀉之。腎乃肺之子。以澤瀉

瀉腎

腎苦燥急食辛以潤之。知母黃蘗欲堅急食苦以堅之。知母以苦補之黃蘗以鹹瀉之。澤瀉虛則熟地黃黃蘗補之腎本無實不可瀉錢氏止有補腎地黃丸無瀉腎之藥肺乃腎之母以五味子補肺。

以上五臟補瀉內經臟氣法時論中備言之欲

究其精詳看本論

臟腑瀉火藥

黃連瀉心火

木通瀉小腸火

黃芩瀉肺火

梔子佐之

黃芩瀉大腸火

柴胡瀉肝火

黃連佐之

柴胡瀉膽火

亦以黃連佐之

白芍藥瀉脾火

石膏瀉胃火

知母瀉腎火

黃蘗瀉膀胱火

柴胡瀉三焦火

黃芩佐之

以上諸藥各瀉其火不惟止能如此更有治病合為君合為臣處詳其所宜而用勿執一也

東垣先生藥類法象

用藥法象

天有陰陽

風寒暑溼燥火

三陰三陽上奉之

溫涼寒熱四氣是也。皆象於天。溫熱者天之陽也。涼寒者天之陰也。此乃天之陰陽也。

地有陰陽

金木水火土

生長收藏下應之

辛甘淡酸苦鹹五味是也。皆象於地。辛甘淡者地之陽也。酸苦鹹者地之陰也。此乃地之陰陽也。味之薄者為陰中之陽。味薄則通。酸苦鹹平是也。

味之厚者為陰中之陰。味厚則泄。酸苦鹹寒是也。

氣之厚者為陽中之陽。氣厚則發熱。辛甘溫熱是也。

氣之薄者為陽中之陰。氣薄則發泄。辛甘淡平涼寒是也。

是也。

○輕清成形味薄類

本乎天者親上

○重濁成形味厚大黃之類

本乎地者親下

氣味辛甘發散為陽

酸苦湧泄為陰

○清陽發腠理

清之清者也

○清陽實四肢

清之濁者也

氣味厚薄寒熱陰陽升降圖



○濁陰歸六腑
○濁陰走五臟

濁之濁者也
濁之清者也

藥性要旨

○苦藥平升
○甘辛藥平降
○苦寒瀉溼熱

○微寒平亦升
○甘寒瀉火
○苦甘寒瀉血熱

本草綱目卷之五 湯液本草 五

升降者天地之氣交

茯苓淡為在天之陽也陽當上行何謂利水而泄下
經云氣之薄者乃陽中之陰所以茯苓利水而泄下
然而泄下亦不利乎陽之體故入手太陽麻黃苦為
在地之陰也陰當下行何謂發汗而升上經云味之
薄者乃陰中之陽所以麻黃發汗而升上然而升上
亦不利乎陰之體故入手太陰附子氣之厚者乃陽
中之陽故經云發熱大黃味之厚者乃陰中之陰故
經云泄下粥淡為陽中之陰所以利小便茶苦為陰

中之陽所以清頭目

用藥升降浮沈補瀉法

肝膽

味辛補酸瀉

氣溫補涼瀉

肝膽之經前後寒熱不同

逆順互換
入求責法

心小腸

味鹹補甘瀉

氣熱補寒瀉

三焦命門
補瀉同

脾胃

味甘補苦瀉

氣溫涼寒熱補瀉各從其

宜
逆從互換
入求責法

肺大腸

味酸補辛瀉

氣涼補溫瀉

腎膀胱

味苦補鹹瀉

氣寒補熱瀉

五臟更相平也。一臟不平，所勝平之，此之謂也。故云安穀則目絕，穀則亡水去則榮散，穀消則衛亡，榮散衛亡，神無所居。又仲景云：水入于經，其血乃成，穀入于胃，脈道乃行。故血不可不養，衛不可不溫，血溫衛和，榮衛將行，常有天命矣。

五味所用

- 苦泄
- 甘緩
- 酸收
- 鹹軟
- 淡滲泄
- 辛散

藥類法象

風升生	<small>味之薄者，陰中之陽味，薄則通酸苦鹹平是也。</small>	防風	<small>純陽性溫</small>	升麻	<small>氣平</small>	柴胡	<small>氣平</small>
羌活	<small>氣微溫</small>	獨活	<small>氣微溫</small>	葳靈仙	<small>氣溫</small>	葛根	<small>氣平</small>
白芷	<small>氣溫</small>	細辛	<small>氣溫</small>	藁本	<small>氣溫</small>	桔梗	<small>氣微溫</small>
蔓荆子	<small>氣清</small>	川芎	<small>氣溫</small>	藜蘆	<small>氣溫</small>	鼠黏子	<small>氣平</small>
秦艽	<small>氣微溫</small>	荊芥	<small>氣溫</small>	薄荷	<small>氣溫</small>	天麻	<small>氣平</small>
前胡	<small>氣微寒</small>	薄荷	<small>氣溫</small>	麻黃	<small>氣溫</small>	麻黃	<small>氣溫</small>
熱浮長	<small>氣之厚者，陽中之陽氣，厚則發熱辛甘溫熱是也。</small>						

黑附子 氣熱 味大辛

烏頭 氣熱 味大辛

乾薑 氣熱 味大辛

乾生薑 氣溫 味辛

良薑 氣熱 味甘辛

肉桂 氣熱 味大辛

桂枝 氣熱 味甘辛

草豆蔻 氣熱 味大辛

丁香 氣溫 味辛

厚朴 氣溫 味辛

木香 氣熱 味苦辛

益智 氣熱 味大辛

白豆蔻 氣熱 味大辛

川椒 氣熱 味大辛

吳茱萸 氣熱 味苦辛

茴香 氣平 味辛

延胡索 氣溫 味辛

縮砂 氣溫 味辛

紅藍花 氣溫 味辛

神麴 氣大 味甘

溼化 成 應之 入以脾 應之 入以脾 溼其本氣平其兼氣溫涼寒熱在人以胃

黃耆 氣溫 味甘

人參 氣溫 味甘

甘草 氣平 味甘

當歸 氣溫 味甘 一作味甘

熟地黃 氣寒 味苦

半夏 氣微寒 味辛平

白朮 氣溫 味甘

蒼朮 氣溫 味甘

陳皮 氣溫 味微苦

青皮 氣溫 味辛

藿香 氣微溫 味甘辛

檳榔 氣溫 味辛

蓬莪朮 氣溫 味苦辛

京三稜 氣平 味苦

阿膠 氣微溫 味甘辛

訶子 氣溫 味苦

杏仁 氣溫 味甘苦

大麥蘖 氣溫 味鹹

桃仁 氣溫 味甘苦

紫草 氣寒 味苦

蘇木 氣平 味甘鹹 一作味酸

燥降收 氣之薄者 陽中之陰 氣薄則 發泄 辛甘淡平 寒涼是也

茯苓 氣平 味甘

澤瀉 氣平 味甘

猪苓 氣寒 味甘

滑石 氣寒 味甘

瞿麥 氣寒 味苦平

車前子 氣寒 味甘

燈心草 氣平 味甘

五味子 氣溫 味酸

桑白皮 氣寒 味苦酸

天門冬 氣寒 味微苦

白芍藥 氣微寒 味酸

麥門冬 氣寒 味微苦

犀角 氣寒 味苦酸

烏梅 氣平 味酸

牡丹皮 氣寒 味苦

地骨皮 氣寒 味苦

枳殼 氣寒 味苦

琥珀 氣平 味甘

連翹 氣平 味苦

枳實 氣寒 味苦酸

木通 氣平 味甘

寒沉藏 則泄之厚者陰中之陰味厚酸苦鹹氣寒是也

大黃 氣寒 味苦

黃蘗 氣寒 味苦

黃芩 氣寒 味苦

黃連 氣寒 味苦

石膏 氣寒 味辛

草龍膽 氣寒 味大苦

生地黄 氣寒 味苦

知母 氣寒 味大辛

防己 氣寒 味大苦

茵陳 氣微寒 味苦平

朴硝 氣寒 味苦辛

瓜蒌根 氣寒 味苦

牡蠣 氣微寒 味鹹平

玄參 氣寒 味微苦

山梔子 氣寒 味微苦

川練子 氣寒 味苦平

香豉 氣寒 味苦

地榆 氣微寒 味甘鹹

標本陰陽論

天陽無圓氣上外升生浮晝動輕躁六腑

地陰有方血下內降殺沈夜靜重溼五臟

夫治病者當知標本以身論之則外為標內為本陽

為標陰為本故六腑屬陽為標五臟屬陰為本此臟

腑之標本也。又臟腑在內爲本，各臟腑之經絡在外爲標。此臟腑經絡之標本也。更人身之臟腑陰陽氣血經絡各有標本也。以病論之，先受病爲本，後傳流病爲標。凡治病者，必先治其本，後治其標。若先治其標，後治其本，邪氣滋甚，其病益畜。若先治其本，後治其標，雖病有十數，證皆去矣。謂如先生輕病後滋生重病，亦先治輕病，後治重病，如是則邪氣乃伏，蓋先治本故也。若有中滿，無問標本，先治中滿，謂其急也。若中滿後有大小便不利，亦無問標本，先利大小便。

次治中滿，謂尤急也。除大小便不利及中滿三者之外，皆治其本，不可不慎也。從前來者爲實邪，從後來者爲虛邪。此子能令母實，母能令子虛是也。治法云：虛則補其母，實則瀉其子。假令肝受心火之邪，是從前來者爲實邪，當瀉其子火也。然非直瀉其火，十二經中各有金木水火土，當木之分瀉其火也。故標本論云：本而標之，先治其本，後治其標。既肝受火邪，先於肝經五穴中瀉榮心行間穴是也。後治其標者，於心經五穴內瀉榮火少府穴是也。以藥論之，入肝經

藥爲之引用瀉心火藥爲君是治實邪之病也假令
肝受腎邪是從後來者爲虛邪虛則當補其母故標
本論云標而本之先治其標後治其本既受水邪當
先於腎經湧泉穴中補本是先治其標後於肝經曲
泉穴中瀉水是後治其本此先治其標者推其至理
亦是先治其本也以藥論之入腎經藥爲引用補肝
經藥爲君是也

五方之正氣味

制方用藥附

東方甲風乙木其氣溫其味甘在入以肝膽應之。

南方丙熱丁火其氣熱其味辛在入以心小腸三焦
包絡應之。

中央戊溼其本氣平其兼氣溫涼寒熱在入以胃應
之。


中央巳土其本味鹹其兼味辛甘酸苦在入以脾應
之。

西方庚燥辛金其氣涼其味酸在入以肺大腸應之
北方壬寒癸水其氣寒其味苦在入以腎膀胱應之
人乃萬物中之一也獨陽不生獨陰不長須稟兩儀

東坡詩集 卷一
之氣而生化也。聖人垂世立教，不能渾說，必當分析。以至理而言，則陰陽相附，不相離。其實一也。呼則因陽出吸，則隨陰入。天以陽生，陰長地以陽殺，陰藏。此上說止，明補瀉用藥君之一也。故曰：主病者為君，用藥之機會要明。輕清成象，重濁成形。本乎天者親上，本乎地者親下，則各從其類也。清中清者，清肺以助其天真；清中濁者，榮華腠理，濁中清者，榮養于神。濁中濁者，堅強骨髓。故至真要大論云：五味陰陽之用，辛甘發散為陽，酸苦湧泄為陰，淡味滲泄為陽，鹹味

湧泄為陰。六者或收或散，或緩或急，或燥或潤，或軟或堅，各以所利而行之，調其氣使之平也。詳見本論。

湯液本草卷之一終



國家圖書館, NATIONAL CENTRAL LIBRARY, TAIWAN, R.O.C.

東坡詩書

卷一

三

湯液本草卷之二

元 古趙 海藏王好古進之甫集

明 金壇 宇泰王肯堂損菴甫校

東垣先生用藥心法

隨證治病藥品

○如頭痛須用川芎如不愈各加引經藥

太陽川芎 陽明白芷 少陽柴胡
太陰蒼朮 少陰細辛 厥陰吳茱萸

○如頂巔痛須用藁本去川芎

○如肢節痛須用羌活去風溼亦宜用之

○如腹痛須用芍藥惡寒而痛加桂惡熱而痛加黃藥

○如心下痞須用枳實黃連

○如肌熱及去痰者須用黃芩肌熱亦用黃芪

○如腹脹用薑制厚朴一本有芍藥

○如虛熱須用黃芪止虛汗亦用

○如脇下痛往來潮熱日晡潮熱須用柴胡

○如脾胃受溼沉困無力怠惰好臥去痰用白朮

○如破滯氣用枳殼高者用之夫枳殼者損胸中至

高之氣二三服而已

○如破滯血用桃仁蘇木

○如去痰須用半夏熱痰加黃芩風痰加南星胸中

寒痰痞塞用陳皮白朮多用則瀉脾胃

○如腹中窄狹須用蒼朮

○如調氣須用木香

○如補氣須用入參

○如和血須用當歸凡血受病者皆當用當歸也

○如去下焦溼腫及痛并膀胱有火邪者必須酒洗

防已草龍膽黃藥知母

- 如去上焦溼及熱須用黃芩瀉肺火故也
- 如去中焦溼與痛熱用黃連能瀉心火故也
- 如去滯氣用青皮勿多服多則瀉人真氣
- 如渴者用乾葛茯苓禁半夏
- 如嗽者用五味子
- 如喘者用阿膠
- 如宿食不消須用黃連枳實
- 如胸中煩熱須用梔子仁

○如水瀉須用白朮茯苓芍藥
○如氣刺痛用枳殼看何部分以引經藥導使之行
則可

- 如血刺痛用當歸詳上下用根梢
- 如瘡痛不可忍者用寒苦藥如黃藥黃芩詳上下
用根梢及引經藥則可
- 如眼痛不可忍者用黃連當歸根以酒浸煎
- 小便黃者用黃藥數者澀者或加澤瀉
- 如腹中實熱用大黃芒硝

- 如小腹痛用青皮
- 如莖中痛用生甘草梢
- 如驚悸恍惚用茯神
- 如飲水多致傷脾用白朮茯苓猪苓
- 如胃脘痛用草豆蔻

凡用純寒純熱藥必用甘草以緩其力也寒熱相雜亦用甘草調和其性也中滿者禁用經云滿者勿入甘

用藥凡例

凡解利傷風以防風爲君甘草白朮爲佐經云辛甘發散爲陽風宜辛散防風味辛及治風通用故防風爲君甘草白朮爲佐

凡解利傷寒以甘草爲君防風白朮爲佐是寒宜甘發也或有別證於前隨證治病藥內選用分兩以君臣論

凡眼暴發赤腫以防風黃芩爲君以瀉火以黃連當歸根和血爲佐兼以各經藥用之

凡眼久病昏暗以熟地黃當歸根爲君以羌活防風

為臣甘草甘菊之類為佐

凡痢疾腹痛以白芍藥甘草為君當歸白朮為佐見血先後以三焦熱論

凡水瀉以茯苓白朮為君芍藥甘草為佐

凡諸風以防風為君隨證治病為佐

凡嗽以五味子為君有痰者以半夏為佐喘者以阿膠為佐有熱無熱以黃芩為佐但分兩多寡不同

耳

凡小便不利黃蘗知母為君茯苓澤瀉為佐

凡下焦有溼草龍膽防己為君甘草黃蘗為佐

凡痔漏以蒼朮防風為君甘草芍藥為佐詳別證加減

凡諸瘡以黃連當歸為君甘草黃芩為佐

凡瘡以柴胡為君隨所發時所屬經分用引經藥佐之

已上皆用藥之大要更詳別證於前隨證治病藥內逐旋加減用之

東垣報使

太陽 羌活 下黃藥 太陰 白芍藥

陽明 白芷 升麻 下石膏 少陰 知母

少陽 柴胡 下青皮 厥陰 青皮 上柴胡

小腸膀胱屬太陽 藁本羌活是本方 三焦膽與肝包

絡 少陽厥陰柴胡強 陽明大腸兼足胃葛根白芷升

麻當太陰肺脉中焦起白芷升麻葱白鄉脾經少與

肺經異升麻芍藥白者詳少陰心經獨活主腎經獨

活加桂良通經用此藥為使更有何病到膏肓

諸經嚮導

寅 手 肺 太 陰 經 嚮 導 圖 脾 足 已		南星 欬冬 升麻 桔梗 檀香	山藥 梗米 白茯苓 五味 天冬	阿膠 麥冬 桑皮 杏仁 葱白	麻黃 丁香 益智 肉苳 知母	縮砂 檀香 龜板 梔子 黃芩 石膏	升麻 芍藥	木瓜 薑	白芍藥 酒浸	延胡索	縮砂
防風 當歸 羌活 太陰 白芍藥	草薺 茺蔚 柴胡 下青皮 厥陰 青皮 上柴胡	益智 黃芪 蒼朮 白朮 膠飴	代赭 赤茯 麻仁 甘草 半夏	防風 當歸 羌活 太陰 白芍藥	草薺 茺蔚 柴胡 下青皮 厥陰 青皮 上柴胡	益智 黃芪 蒼朮 白朮 膠飴	代赭 赤茯 麻仁 甘草 半夏	防風 當歸 羌活 太陰 白芍藥	草薺 茺蔚 柴胡 下青皮 厥陰 青皮 上柴胡	益智 黃芪 蒼朮 白朮 膠飴	代赭 赤茯 麻仁 甘草 半夏

湯液本草

卯手陽明經導圖胃足辰

升麻
白芷
白朮
白朮
白朮
白朮

縮砂

白朮
白朮
白朮
白朮

肉桂

薤白
石膏

麻黃

大黃

連翹

升麻
白芷
葛根

石膏

白朮

檀香
白朮
升麻
下石膏

丁香
知母
半夏

草薺
白朮
蒼朮

縮砂
神麴
升麻

防風
葛根
白芷

石膏
烏藥
葱白

亥手少陽經導圖足膽子

川芎
黃芪

柴胡
骨皮

青皮
石膏

白朮
細辛

熟地
附子

青皮

川芎

柴胡

連翹

柴胡
下青皮

半夏

膽草

柴胡

湯液本草

七

戊 腕手厥陰經導圖足肝丑

沙參 敗醬 白朮 柴胡 熟地 丹皮

骨皮上柴胡 熟地黃

柴胡 川芎 皂角 桃仁 茗茶

膽草 山茱萸 青皮 蔓荆 代赭 羌活 吳茱萸 阿膠 紫石英 當歸 白朮 瞿麥 桃仁 甘草

未 手太陽經導圖足腕申

白朮 縮砂 赤石脂 生地 赤茯苓 羌活 赤石脂

防風 羌活 蔓荆 黃藥 芍香 黃藥

白朮 澤瀉 防已 秦龜 薑本 羌活 羌活 下黃藥

蔓荆 澤瀉 滑石 桂枝 茵陳 黃藥 白茯苓 羌活 猪苓 麻黃

東垣十書

卷三

湯液本草

國家圖書館 NATIONAL CENTRAL LIBRARY, TAIWAN, R.O.C.

午心手少陰嚮導圖足腎西
麻黃 代赭 桂心 紫石英 當歸 哂子 生地 獨活 黃連 赤茯苓

細辛 熱地 五味 澤瀉

知母 丹皮 山茱萸 檀香 丁香 黃蘗 玄參 天冬 甘草 獨活 薤白 桔梗 或扇 豉 阿膠 骨皮 收醬 猪苓 澤瀉 猪黃 猪膚 烏藥 白茯苓 益智 縮砂 黃蘗 砂 黃蘗

地榆 附子 知母 白朮

附子 沉香 益智 黃蘗

製方之法

夫藥有寒熱溫涼之性。酸苦辛鹹甘淡之味。各有所能。不可不通也。藥之氣味。不比同時之物。味皆鹹。其氣皆寒之類是也。凡同氣之物。必有諸味。同味之物。必有諸氣。互相氣味。各有厚薄。性用不等。製其方者。必且明其為用。經曰。味為陰。味厚為純陰。味薄為陰中之陽。氣為陽。氣厚為純陽。氣薄為陽中之陰。然味厚則泄。薄則通。氣薄則發。泄厚則發。熱又曰。辛甘發散。為陽。酸苦湧泄。為陰。鹹味湧泄。為陰。淡味滲泄。為

陽凡此之味各有所能然辛能散結潤燥苦能燥溼
堅軟鹹能軟堅酸能收緩收散甘能緩急淡能利竅
故經曰肝苦急急食甘以緩之心苦緩急食酸以收
之脾苦溼急食苦以燥之肺苦氣上逆急食苦以泄
之腎苦燥急食辛以潤之開腠理致津液通其氣也
肝欲散急食辛以散之心欲軟急食鹹以軟之脾欲
緩急食甘以緩之肺欲收急食酸以收之腎欲堅急
食苦以堅之凡此者是明其氣味之用也若用其味
必明其氣之可否用其氣必明其味之所宜識其病

之標本臟腑寒熱虛實微甚緩急而用其藥之氣味
隨其證而製其方也是故方有君臣佐使輕重緩急
君臣大小反正逆從之制也主治病者爲君佐君者
爲臣應臣者爲使用此隨病之所宜而又贊成方而
用之君一臣一奇之制也君二臣四偶之制也君二
臣三奇之制也君一臣六偶之制也去咽噎近者奇
之遠者偶之汗者不奇下者不偶補上治上制之以
緩補下治下制之以急急者氣味厚也緩者氣味薄
也薄者少服而頻食厚者多服而頓食又當明五氣

之鬱木鬱達之謂吐令條達也火鬱發之謂汗令疎散也土鬱奪之謂下令無壅滯也金鬱泄之謂解表利小便也水鬱折之謂制其衝逆也通此五法乃治病之大要也。

用藥各定分兩

為君者最多為臣者次之佐者又次之藥之於證所主同者則等分

用藥酒洗曝乾

黃芩黃連黃蘗知母病在頭面及手梢皮膚者須用

酒炒之借酒力以上騰也咽之下。臍之上須酒洗之在下生用大凡生升熟降。大黃須煨恐寒則損胃氣。至於川烏附子須炮以制毒也。黃蘗知母下部藥也。久弱之人須合用之者酒浸曝乾恐寒傷胃氣也。熟地黃酒洗亦然當歸酒浸助發散之意也。

用藥根梢身例

凡根之在上者中半已上氣脉之上行也以生苗者為根中半已下氣脉之下行也。入土以為梢病在中焦與上焦者用根在下焦者用梢根升而梢降大凡

藥根有上中下。人身半已上。天之陽也。用頭在中焦。用身在身半已下。地之陰也。用梢述類象形者也。

用圓散藥例

仲景言剉如麻豆大。與咬咀同意。夫咬咀古之制也。古者無鐵刃。以口咬細。今如麻豆為粗藥。煎之使藥水清。飲於腹中。則易升。易散也。此所謂咬咀也。今人以刀器剉如麻豆大。此咬咀之易成也。若一槩為細末。不分清濁矣。經云清陽發腠理。濁陰走五臟。果何謂也。又曰清陽實四肢。濁陰歸六腑。咬咀之藥。取淨

易行經絡也。若治至高之病。加酒煎去溼。以生薑補元氣。以大棗發散風寒。以葱白去膈上痰。以蜜細末者。不循經絡。止去胃中及臟腑之積氣。味厚者。白湯調氣味薄者。煎之。和粗服去。下部之疾。其丸極大。而光且圓。治中焦者。次之。治上焦者。極小稠麩糊。取其遲化。直至下焦。或酒或醋。取其收其散之意也。犯半夏南星。欲去溼者。以生薑汁稀糊為圓。取其易化也。水浸宿炊餅。又易化。滴水圓。又易化。煉蜜圓者。取其遲化。而氣循經絡也。蠟圓者。取其難化。而旋旋取效。

東垣十書 卷二
也。大抵湯者盪也。去大病用之。散者散也。去急病用之。圓者緩也。不能速去之。其用藥之舒緩而治之意也。

升合分兩

古之方劑。鎰銖分兩。與今不同。謂如吹咀者。卽今判如麻豆大是也。云一升者。卽今之大白盞也。云銖者。六銖爲一分。卽一錢半也。二十四銖爲一兩也。云三兩者。卽今之一兩云。二兩卽今之六錢半也。料例大者。只合三分之一足矣。

君臣佐使法

帝曰。方制君臣。何謂也。岐伯曰。主病之謂君。佐君之謂臣。應臣之謂使。非上中下三品之謂也。帝曰。三品何謂。曰。所以明善惡之殊貫也。

凡藥之所用者。皆以氣味爲主。補瀉在味。隨時換氣。主病者爲君。假令治風者。防風爲君。治上焦熱。黃芩爲君。治中焦熱。黃連爲君。治溼防已爲君。治寒。附子之類。爲君。兼見何證。以佐使藥分治之。此製方之要也。本草說上品藥爲君。各從其宜也。

治法綱要

氣交變論云夫五運之政猶權衡也高者抑之下者舉之化者應之變者復之此生長化成收藏之理氣之常也失常則天地四塞矣失常之理則天地四時之氣無所運行故動必有靜勝必有復乃天地陰陽之道也假令高者抑之非高者固當抑也以其本下而失之太高故抑之而使下若本高何抑之有假令下者舉之非下者固當舉之也以其本高而失之太下故舉而使之高若本下何舉之有如仲景治表虛

製桂枝湯方桂枝味辛熱發散助陽體輕本乎天者親上故桂枝爲君芍藥甘草爲佐陽脉濇陰脉弦法當腹中急痛製小建中湯方芍藥味酸寒主收補中本乎地者親下故芍藥爲君桂甘草佐之一則治表虛一則治裏虛各言其主用也後之用古方者觸類而長之不致差誤矣

藥味專精

至元庚辰六月許伯威年五十四中氣本弱病傷寒八九日醫者見其熱甚以涼藥下之又食梨三四枚

東垣十書 卷二
痛傷脾胃四肢冷時發昏憤予診其脉動而中止有時自還乃結脉也心亦悸動吃噫不絕色變青黃精神減少目不欲開倦臥惡人語笑以炙甘草湯治之成無已云補可去弱人參大棗之甘以補不足之氣桂枝生薑之辛以益正氣五臟痿弱榮衛涸流溼劑所以潤之麻仁阿膠麥門冬地黃之甘潤經益血復脉通心是也加以人參桂枝急扶正氣生地黃減半恐傷陽氣剉一兩劑服之不效予再候之脉證相對莫非藥有陳腐者致不效乎再市藥之氣味厚者煎

服其證減半再服而安凡藥之昆蟲草木產之有地根葉花實採之有時失其地則性味少異矣失其時則氣味不全矣又況新陳之不同精麤之不等倘不擇而用之其不效者醫之過也內經曰司歲備物氣味之精專也修合之際宜加謹焉

湯液煎造

病人服藥必擇人煎藥能識煎熬制度須令親信恭誠至意者煎藥銚器除油垢腥穢必用新淨甜水爲上量水大小斟酌以慢火煎熬分數用紗濾去粗取

東垣一書 卷二 清法服之無不效也

古人服藥活法

在上不厭頻而少在下不厭頓而多少服則滋榮於上多服則峻補於下

古人服藥有法

病在心上者

先食而後藥

病在心上者

先藥而後食

病在四肢者

宜飢食而在其

病在骨髓者

宜飽食而在夜

察病輕重

凡欲療病先察其源先候其機五臟未虛六腑未竭血脈未亂精神未散服藥必效若病已成可得半愈病勢已過命將難存自非明醫聽聲察色至於診脈孰能知未病之病乎

海藏老人湯液本草

五宜

肝色青宜食甘粳米牛肉棗葵皆甘
心色赤宜食酸犬肉麻李韭皆酸

肺色白。宜食苦。小麥、羊肉、杏、薤皆苦。
脾色黃。宜食鹹。大豆、豕肉、栗、藿皆鹹。
腎色黑。宜食辛。黃黍、雞肉、桃、葱皆辛。

毒藥攻邪

五穀爲養

五果爲助

五畜爲益

五菜爲充

氣味合而服之。以補精益氣。此五者有辛酸甘苦鹹各有所利。或散或收。或緩或急。或堅或軟。四時五臟病。隨五味所宜也。

大毒治病十去其六。常毒治病十去其七。小毒治病

十去其八。無毒治病十去其九。穀肉果菜。食養盡之。無使過之。傷其正也。蓋陰之所生。本在五味。陰之五宮。傷在五味。是故味過於酸。肝氣以津。脾氣乃絕。味過於鹹。大骨氣勞。短肌。心氣抑。味過於甘。心氣喘滿。色黑。腎氣不衡。味過於苦。脾氣不濡。胃氣乃厚。味過於辛。筋脉沮弛。精神迺央。是故謹和五味。骨正筋柔。氣血以流。腠理以密。如是則氣骨以精。謹道如法。長有天命。

五傷

多食鹹

則脉凝泣而變色

多食苦

則皮槁而毛拔

多食辛

則筋急而爪枯

多食酸

則肉胝脇而唇揭

多食甘

則骨痛而髮落

五走

鹹走血

血病毋多食鹹

苦走骨

骨病毋多食苦

辛走氣

氣病毋多食辛

酸走筋

筋病毋多食酸

甘走肉

肉病毋多食甘

夫五味入胃各歸所喜攻酸先入肝苦先入心甘先入脾辛先入肺鹹先入腎久而增氣物化之常也氣增而久夭之由也

服藥可慎

熱中消中不可服膏粱芳草石藥夫芳草之氣美石藥之氣悍二者其氣急疾堅勁故非緩心和人不可服此夫熱氣慄悍藥氣亦然二者相遇恐內傷脾

脾者土也而惡木服此藥者至甲乙日更論

論藥所主

海藏云湯液要藥最爲的當其餘方論所著雜例比之湯液稍異何哉蓋伊尹仲景取其治之長也其所長者神農之所註也何以知之本草云一物主十病取其偏長爲本又當取潔古珍珠囊斷例爲准則其中藥之所主不必多言只一兩句多則不過三四句非務簡也亦取其所主之偏長故不爲多也天地生物有厚薄堪用不堪用



厥陰	少陰	太陰	少陽	陽明	太陽
風化	司熱化在	溼化	火化	燥化	寒化
酸化木	苦化火	甘化土	苦化火	辛化金	鹹化水
酸	苦	甘	苦	辛	鹹

司地氣故物化從

故治病者必明六化分治五味五色所生五臟所宜
迺可以言盈虛病生之緒也謹候氣宜無先病機其
主病何如言採藥之歲也司歲備物則無遺主矣先
歲物何也天地之專精也專精之氣藥物肥濃又於
使用當其正氣味也五運主歲不足則物薄有餘則
物精非專精則散氣散氣則物不純是以質同而異
等形質雖同力用則異也氣味有厚薄性用有躁靜
治化有多少力化有淺深此之謂也

氣味生成流布

陽爲氣陰爲味味歸形形歸氣氣歸精精歸化精食
氣形食味化生精氣生形味傷形氣傷精精化爲氣
氣傷於味陰味出下竅陽氣出上竅味厚者爲陰薄
爲陰中之陽厚則泄薄則通氣厚者爲陽薄爲陽中
之陰薄則發泄厚則發熱壯火之氣衰少火之氣壯
壯火食氣氣食少火壯火散氣少火生氣天食人以
五氣地食人以五味五氣入鼻藏於心肺上使五色
脩明音聲能彰五味入口藏於腸胃味有所藏以養
五氣氣和而生津液相成神乃自生



火位之主

甘瀉 鹹補

之客

鹹補 甘瀉

少之勝

甘鹹 甘瀉

少陰同法無犯
溫涼發不遠熱

之復

鹹冷

苦辛 鹹軟 酸炒

陽在泉

火

淫于內 治以 鹹冷

苦辛 酸收 苦發 辛苦發

自天

淫所勝 平以 鹹冷

苦甘 酸收 苦發 酸復之

木位之主

酸瀉 辛補

之客

辛補 酸瀉 甘緩

厥之勝

苦辛 酸瀉

之復

酸寒

甘辛 甘緩 酸瀉

陰在泉

風

淫于內 治以 辛涼

苦甘 甘緩 辛散

自天

淫所勝 平以 辛涼

苦甘 甘緩 酸瀉

國家圖書館 NATIONAL CENTRAL LIBRARY, TAIWAN R.O.C.

金位之主

辛瀉 酸補

之客

酸補 辛瀉

陽之勝

酸溫

辛甘 苦瀉

之復

辛溫

苦甘 苦瀉 苦下 鹹補

明在泉

燥

淫于內 治以

苦溫

以

甘辛 苦下

司天

淫所勝 平以 苦溫

以

酸辛 苦下

風 司地

化天

清反勝之 治以

酸溫

作

苦甘

辛平

上位之主

苦瀉 甘補

之客

甘補 苦瀉

太之勝

之復

淫于內 治以

鹹熱

作

辛甘 苦瀉 苦下 之瀉之

陰在泉

淫淫所勝 平以 苦熱

以

酸辛 苦燥 淡泄

司天

喜熱 治以 苦溫 佐 甘辛 以汗為故而止

國家圖書館 NATIONAL CENTRAL LIBRARY, TAIWAN, R.O.C.

水佐主

鹹瀉 苦補

之客

苦補 鹹瀉

太之勝

辛酸 鹹瀉

之復

鹹熱

甘辛 苦堅

陽在泉

澤內 治以 甘熱

苦辛 鹹瀉 辛潤 苦堅

司天

寒

澤所勝 平以 辛熱

苦甘 鹹瀉

火熱 化天

火熱 司地

寒反勝之 治以

甘溫 甘溫

甘熱 甘熱

佐以

苦辛 苦辛

苦辛 鹹平之
苦辛 鹹平之

國家圖書館 NATIONAL CENTRAL LIBRARY, TAIWAN R.O.C.

七方

大 君一臣二佐九制之大也

遠而奇偶制大其服也。大則數少。少則二之。腎肝位遠。服湯散不厭頓而多。

小 君一臣二制之小也。

近而奇偶制小其服也。小則數多。多則九之。心肺位近。服湯散不厭頻而少。

緩 補上治上制以緩緩則氣味薄。

治主以緩緩則治其本。

急 補下治下制以急急則氣味厚。

治客以急急則治其標。

奇 君一臣二奇之制也。君一臣二奇之制也。

陽數奇

耦 君二臣四耦之制也。君二臣六耦之制也。

陰數耦

複 奇之不去則耦之。是謂重方也。


十劑

宜 可以去壅。薑橘之屬是也。

通 可以去滯木通防已之屬是也。
 補 可以去弱人參羊肉之屬是也。
 瀉 可以去閉葶藶大黃之屬是也。
 輕 可以去實麻黃葛根之屬是也。
 重 可以去怯磁石鐵漿之屬是也。
 滑 可以去著冬葵子榆白皮之屬是也。
 澀 可以去脫牡蠣龍骨之屬是也。
 燥 可以去溼桑白皮赤小豆之屬是也。
 溼 可以去枯白石英紫石英之屬是也。

只如此體皆有所屬凡用藥者審而詳之則靡所
 失矣陶隱居云藥有宣通補瀉輕重滑澀燥溼此
 十劑今詳之惟寒熱二種何獨見遺今補二種以
 盡厥旨
 寒 可以去熱大黃硝磺之屬是也。
 熱 可以去寒附子官桂之屬是也。

湯液本草卷之二



國家圖書館, NATIONAL CENTRAL LIBRARY, TAIWAN, R.O.C.

--	--	--	--

湯液本草卷之三

元古趙海藏王好古進之甫集

明金壇宇泰王肯堂損菴甫校

草部


防風

純陽 性溫 味甘辛 無毒

足陽明胃經

足太陰脾經乃二經之行經藥

太陽經本經藥



○象云。治風通用。瀉肺實散。頭目中滯氣。除上焦風邪之仙藥也。誤服瀉人。上焦元氣去。蘆朮釵股用。○珍云。身去身半已上風邪。梢去身半已下風邪。○心云。又去溼之仙藥也。風能勝溼爾。

○本草云。主大風頭眩痛惡風風邪。目盲無所見。風行周身。骨節疼痛。煩滿脇痛。脇風頭面去來。四肢攣急。字乳金瘡內瘞。

○東垣云。防風能制黃芪。黃芪得防風。其功愈大。又云。防風乃卒伍卑賤之職。隨所引而至。乃風藥中。

潤劑也。雖與黃芪相制。乃相畏而相使者也。

○本草又云。得澤瀉。藁本。療風。得當歸。芍藥。陽起石。禹餘糧。療婦人子臟風殺。附子毒惡。乾薑。黎蘆。白歛。芫花。

升麻

氣平 味苦甘 微苦微寒 味薄 氣厚 陽中之陰也 無毒

陽明經本經藥

亦走手陽明經太陰經

○象云能解肌肉間熱此手足陽明經傷風之的藥也去黑皮并腐爛者用若補脾胃非此為引用不能補若得葱白白芷之類亦能走手足陽明太陰心云發散本經風邪元氣不足者用此於陰中并陽氣上行

○珍云脾痺非此不能除

○本草云主解百毒殺百精老物殃鬼辟瘟疫瘴氣邪氣蠱毒入口皆吐出中惡腹痛時氣毒癘頭痛寒熱風腫諸毒喉痛口瘡

○東垣云升麻入足陽明若初病太陽證便服升麻葛根發出陽明經汗或失之過陽明經燥太陽經不可解必傳陽明矣投湯不當非徒無益而又害之也

○朱氏云瘀血入裏若衄血吐血者犀角地黃湯乃陽明經聖藥也如無犀角以升麻代之升麻犀角性味相遠不同何以代之蓋以升麻止是引地黃及餘藥同入陽明耳

○仲景云太陽病若發汗若利小便重亡津液胃中

乾燥因轉屬陽明其害不可勝言又云太陽兀兀無汗者葛根湯發之若兀兀自汗者表虛也不宜用此朱氏用升麻者以表實無汗也

○訣云主肺痿欬唾膿血能發浮汗

羌活

氣微溫 味苦甘平 苦辛氣味俱輕陽也無

毒

足太陽經厥陰經藥

太陽經本經藥也

○象云治肢節痛利諸節手足太陽經風藥也加川芎治足太陽少陰頭痛透關節去黑皮并腐爛者用

○心云去溫溼風

○珍云骨節痛非此不能除

○液云君藥也非無為之主乃却亂反正之主太陽經頭痛肢節痛一身盡痛非此不治又云羌活足太陽厥陰少陰藥也與獨活不分一種後人用羌活多用鞭節者用獨活多用鬼眼者羌活則氣雄

獨活則氣細故雄者入足太陽細者入足少陰也
又錢氏瀉青丸用此王乙同歸一治也或問治頭
痛者何答曰巨陽從頭走足惟厥陰與督脉會于
巔逆而上行諸陽不得下故令頭痛也

獨活

氣味與羌活同無毒 氣厚味薄升也苦辛
足少陰腎經行經之藥

○本草云主風寒所擊金瘡止痛賁脉痲痺女子疝
瘕療諸賊風百節痛風無久新者

○液云獨活細而低治足少陰伏風而不治太陽故
兩足寒溼痺不能動止非此不能治

○象云若與細辛同用治少陰經頭痛一名獨搖草
得風不搖無風自搖去皮淨用

○心云治風須用又能燥溼經云風能勝溼
○珍云頭眩目暈非此不能除

柴胡

氣平 味微苦 微寒氣味俱輕陽也升也純
陽無毒

少陽經厥陰經行經之藥

○象云除虛勞寒熱解肌熱去早晨潮熱婦人產前後必用之藥善除本經頭痛非他藥能止治心下痞胸膈痛去蘆用。

○心云少陽經分之藥引胃氣上升苦寒以發表熱珍云去往來寒熱膽痺非此不能除。

○本草云主心腹去腸胃中結氣飲食積聚寒熱邪氣推陳致新除傷寒心下煩熱諸痰熱結實胸中邪氣五臟間遊氣大腸停積水脹及溼痺拘攣亦

可作浴湯久服輕身明目益精半夏爲之使惡皂莢畏女苑藜蘆入足少陽主東方分也在經主氣在臟主血證前行則惡熱却退則惡寒雖氣之微寒味之薄者故能行經若佐以三稜廣茂巴豆之類故能消堅積是主血也婦人經水適來適斷傷寒雜病易老俱用小柴胡湯主之加以四物之類并秦艽牡丹皮輩同爲調經之劑。

○衍義云柴胡本經並無一字治勞今人治勞方中餘有不用者凡此誤世甚多嘗原病勞有一種真

東垣十書 卷三
臟虛損復受邪熱因虛而致勞故曰勞者牢也須當斟酌用之如經驗方治勞熱青蒿煎丸用柴胡正合宜耳服之無不效

○日華子云味甘補五勞七傷除煩止驚益氣力藥性論亦謂治勞乏羸瘦若此等病苟無實執醫者取而用之不亡何待註釋本草一字亦不可忽蓋後世所誤無窮也苟有明拆之士自可處制中下之士不肯考究枉致淪沒可不謹哉可不戒哉如張仲景治寒熱往來如瘧用柴胡正合其宜

○圖經云治傷寒有大小柴胡湯柴胡加龍骨牡蠣柴胡加芒硝等湯故後人治傷寒熱此為最要之藥

○東垣云能引清氣而行陽道傷寒外諸藥所加有熱則加之無熱則不加又能引胃氣上行升騰而行春令是也欲其如此又何加之

○海藏云能去臟腑內外俱乏之既能引清氣上行而順陽道蓋以少陽之氣初出地之皮為嫩陽故以少陽當之

葛根

氣平 味甘 無毒

陽明經引經藥

足陽明經行經的藥

○象云治脾虛而渴除胃熱解酒毒通行足陽明經之藥去皮用。

○心云止渴升陽。

○珍云益陽生津勿多用恐傷胃氣虛渴者非此不能除。

○本草云主消渴身大熱嘔吐諸痺起陰氣解諸毒療傷寒中風頭痛解肌發表出汗開腠理療金瘡止痛脇風痛生根汁寒治消渴傷寒壯熱花主消酒粉味甘大寒主壓丹石去煩熱利大小便止渴小兒熱瘧以葛根浸搗汁飲之良。

○東垣云葛根甘平溫世人初病太陽證便服葛根升麻湯非也。

○朱奉議云頭痛如欲破者連鬚葱白湯飲之又不可已者葛根葱白湯。

○易老云用此以斷太陽入陽明之絡卽非太陽藥也故仲景治太陽陽明合病桂枝湯內加麻黃葛根也又有葛根黃芩黃連解肌湯是知葛根非太陽藥卽陽明藥

○食療云葛根蒸食之消毒其粉亦甚妙其粉以水調三合能解鳩毒

○衍義云治中熱酒渴病多食行小便亦能使人利病酒及渴者得之甚良

○易老又云太陽初病未入陽明頭痛者不可便服

葛根發之若服之是引賊破家也若頭顱痛者可服之葛根湯陽明自中風之仙藥也

○本草又云殺野葛巴豆百藥毒

葳靈仙

氣溫 味苦甘 純陽

○象云主諸風溼冷通五臟去腹內瘕滯腰膝冷痛及治傷損鐵脚者佳去蘆用

○心云去大腸之風

○本草云忌茗

細辛

氣溫 味大辛 純陽 性溫氣厚於味陽也
無毒

少陰經藥

手少陰引經之藥

○象云治少陰頭痛如神當少用之獨活為使為主
用去蘆頭并葉華州者佳

○珍云主少陰經頭痛

○心云主諸項頭痛諸風通用之味辛熱溫陰經散

水寒以去內寒

○本草云主欬逆頭痛腦動百節拘攣風溼痺痛死
肌溫中下氣破痰利水道開胸中除喉痺齕鼻風
癩癩疾下乳結汗不出血不行安五臟益肝膽通
精氣久服明目利九竅

○東垣云治邪在裏之表故仲景少陰證用麻黃附
子細辛湯也

○易老云治少陰頭痛太陽則羌活少陰則細辛陽
明則白芷厥陰則川芎吳茱萸少陽則柴胡用者

隨經不可差，細辛香味俱緩，故入少陰與獨活頗相類。

○本草又云：曾青、棗根爲之，使得當歸、芍藥、白芷、川芎、牡丹、藁本、甘草共療。婦人得決明、鯉魚膽、汁青、羊肝共療。目痛惡狼毒、山茱萸、黃芪、畏硝石、滑石、反藜蘆。

○衍義云：治頭面風痛，不可缺也。

白芷

氣溫 味大辛 純陽無毒 氣味俱輕陽也

陽明經引經藥

手陽明經本經藥行足陽明經於升麻湯四味內加之。

○象云：治手陽明頭痛，中風寒熱，解利藥也。以四味升麻湯主之。

○珍云：長肌肉，散陽明之風。

○心云：治風通用，去肺經風熱。

○本草云：主女子漏下赤白，血閉陰腫，寒熱風頭，侵目淚出，長肌膚潤澤，可作面脂，療風邪久渴吐嘔。

兩脇滿風痛頭眩目痒

○日華子云補胎漏滑落破宿血補新血乳癰發背一切瘡疥排膿止痛生肌去面疔疵癩明目其氣芳香治正陽陽明頭痛與辛荑細辛同用治鼻病內托用此長肌肉則陽明可知矣又云當歸爲之使惡旋覆花

川芎

氣溫 味辛 純陽 無毒

入手足厥陰經

少陽經本經藥

○象云補血治血虛頭痛之聖藥妊婦胎不動數月加當歸二味各一錢水二盞煎至一半服神效

○珍云散肝經之風貫芎治少陽經苦頭痛

○心云治少陽頭痛及治風通用

○本草云主中風入腦頭痛寒痺筋攣緩急金瘡婦人血閉無子除腦中冷痛面上遊風去來目淚出多涕唾忽忽如醉諸寒冷氣心腹堅痛中惡卒急腫痛脇風痛溫中除內寒

東垣十書 卷三
○日華子云。能除鼻洪吐血。及溺血。破癥結宿血。養新血。

○易老云。上行頭目。下行血海。故清神四物湯。所皆用也。入手足厥陰經。

○衍義云。頭面風不可缺也。然須以他藥佐之。若單服久服。則走散真氣。既使他藥佐之。亦不可久服。中病即便已。

○東垣云。頭痛甚者。加蔓荊子。頂與腦痛。加川芎。苦頭痛者。加藁本。諸經苦頭痛。加細辛。若有熱者。不

能治。別有青空之劑。為緣諸經頭痛。須用四味。

○本草又云。白芷為之。使畏黃連。

麻黃

氣溫 味苦甘而苦 氣味俱薄。陽也。升也。甘。

熱純陽無毒。

手太陰之劑。

入足太陽經。

走手少陰經。陽明經藥。

○象云。發太陽少陰經汗。去節。煮三二沸。去上沫。否。

則令人心煩悶。

○心云陽明經藥。去表上之寒邪。甘熱去節解少陰寒。散表寒發浮熱也。○珍云去榮中寒。

○本草云主中風傷寒頭痛溫瘧發表出汗去邪熱氣。止欬逆上氣除寒熱破癥堅積聚。

○液云入足太陽手少陰能泄衛實發汗及傷寒無汗欬嗽根節能止汗。夫麻黃治衛實之藥桂枝治衛虛之藥。桂枝麻黃雖為太陽經藥其實榮衛藥也。以其在太陽地分故曰太陽也。本病者即榮衛

肺主衛心主榮氣血乃肺心所主。故麻黃為手太陽之劑。桂枝為手少陰之劑。故傷風傷寒而嗽者用麻黃桂枝即湯液之源也。

○藥性論云君味甘平治溫疫。

○本草又云厚朴為之使惡辛黃石葦。

藁本

氣溫 味大辛 苦微溫氣厚味薄陽也升也
純陽無毒

太陽經本經藥

○象云太陽經風藥治寒邪結鬱於本經治頭痛腦痛大寒犯腦令人腦痛齒亦痛

○心云專治太陽頭痛其氣雄壯

○珍云治巔頂痛

○本草云主婦人疝瘕陰中寒腫痛腹中急除風頭痛長肌膚悅顏色辟霧露潤澤療風邪鞞曳金瘡可作沐藥面脂實主流風四肢惡聞茹此與木香同治霧露之氣與白芷同作面脂藥治療

○仲景云清明已前立秋已後凡中霧露之氣皆為

傷寒又云清邪中于上焦皆霧露之氣神朮白朮湯內加木香藁本擇其可而用之此既治風又治溼亦各從其類也

桔梗

氣微溫味辛苦陽中之陽味厚氣輕陽中之陰也有小毒

入足少陰經

入手太陰肺經藥

○象云洽咽喉痛利肺氣去蘆米泔浸一宿焙乾用

○珍云陽中之陰謂之舟楫諸藥有此一味不能下沈治鼻塞

○心云利咽嗌胸膈之氣以其色白故屬肺辛甘微溫治寒嘔若咽中痛桔梗能散之也

○本草云主胸脇痛如刀刺腹滿腸鳴幽幽驚恐悸氣利五臟腸胃補血氣除寒熱風痺溫中消穀療咽喉痛下蠱毒

○易老云與國老並行同為舟楫之劑如將軍苦泄峻下之藥欲引至胸中至高之分成功非此辛甘

不居譬如鐵石入江非舟楫不載故用辛甘之劑以升之也

○衍義云治肺熱氣奔促欬逆肺癰排膿

○本草又云節皮為之使得牡蠣遠志療恚怒得硝石石膏療傷寒畏白芨龍眼龍膽

鼠黏子

氣平 味辛 辛溫

○象云主風毒種利咽膈吞一枚可出癰疽瘡頭

○珍云潤肺散氣

秦艽

氣微溫 味苦辛 陰中微陽

手陽明經藥

○象云主寒熱邪氣風溼痺下水利小便治黃病骨蒸治口禁及腸風瀉血去蘆用

○珍云去手陽明經下牙痛口瘡毒去本經風溼

○本草云菖蒲爲之使

天麻

氣平 味苦 無毒

○象云治頭風

○本草云主諸風溼痺四肢拘攣小兒風癩驚氣利腰膝強筋力其苗名定風草

黑附子

氣熱 味大辛 純陽 辛甘溫大熱有大毒

通行諸經引用藥

入手少陽經三焦命門之劑

○象云性走而不守亦能除腎中寒甚白朮爲佐名朮附湯除寒溼之聖藥也溼藥中少加之通行諸

經引用藥也。治經閉慢火炮。

○珍云。治脾溼腎寒。

○本草云。主風寒欬逆邪氣溫中。金瘡破癥堅積聚。血瘕寒溼踈痺拘攣。膝痛脚疼冷弱。不能行步。腰脊風寒。心腹冷痛。霍亂轉筋。下利赤白。堅肌骨強。陰墮胎。為百藥之長。

○液云。入手少陽三焦命門之劑。浮中沈無所不至。附子味辛大熱。為陽中之陽。故行而不止。非若乾薑止而不行也。非身表涼而四肢厥者。不可僭用。

如用之者。以其治四逆也。

○本草又云。地膽為之。使惡蜈蚣。畏防風黑豆甘草。黃芪人參。冬月採為附子。春月採為烏頭。

烏頭

氣熱 味大辛 辛甘大熱 有大毒行諸經

○象云。治風痺血痺。半身不遂。行經藥也。慢火炮。拆去皮用。

○本草云。主中風惡風。洗洗出汗。除寒溼痺。欬逆上氣。被積聚寒熱。消胸上痰冷。食不下。心腹冷疾。臍

間痛肩胛痛不可俛仰目中痛不可久視墮胎其
汁煎之名射罔殺禽獸

○液云身附天雄側子之屬皆水浸炮裂去皮臍用
之多有外黃裏白劣性尚在莫若乘熱切作片子
再炒令表裏皆黃內外一色劣性皆去却為良也
世人罕如此製之

縮砂

氣溫 味辛 無毒

入手足太陰經陽明經太陽經

足少陰經

○象云治脾胃氣結滯不散主勞虛冷瀉心腹痛下
氣消食

○本草云治虛勞冷瀉宿食不消赤白泄利腹中虛
痛下氣

○液云與白檀豆蔻為使則入肺與人參益智為使
則入脾與黃蘗茯苓為使則入腎與赤白石脂為
使則入大小腸

葶澄茄

氣溫 味辛 無毒

○本草云。主下氣消食。皮膚風。心腹間氣脹。令人能食。

華撻

氣溫 味辛 無毒

○本草云。主溫中。下氣補腰脚。殺腥氣。消食除胃冷。陰疝。痲痺。

○衍義云。走腸胃中冷氣。嘔吐心腹滿痛。多服走泄。真氣令人腸虛下重。

香附子

氣微寒 味甘 陽中之陰 無毒

○本草云。除胸中熱。充皮毛。久服令人益氣。長鬚眉。後世人用治崩漏。本草不言治崩漏。

○圖經云。膀胱兩脇氣妨。常日憂愁不樂。飲食不多。皮膚瘙癢癢癢。日漸瘦損。心忪少氣。以是知益氣血中之氣藥也。方中用治崩漏。是益氣而止血也。又能逐去凝血。是推陳也。與巴豆同治泄瀉。不止。又能治太便秘不通同意。

東垣十書 卷三
○珍云快氣

草豆蔻

氣熱 味大辛 陽也辛溫無毒

入足太陰經陽明經

○象云治風寒客邪在胃口之上善去脾胃客寒心
與胃痛麩包煨熟去麩用

○珍云益脾胃去寒

○本草云主溫中心腹痛嘔吐去口臭氣下氣脹滿
短氣消酒進食止霍亂治一切冷氣調中補胃健

脾亦能消食

○衍義云性溫而調散冷氣力甚速虛弱不能飲食
宜此與木瓜烏梅縮砂益智麩葉鹽炒薑也

白豆蔻

氣熱 味大辛 味薄氣厚陽也 辛大溫

無毒

入手太陰經

○珍云主積冷氣散肺中滯氣寬膈止吐逆治反胃
消穀下氣進食去皮用

○心云專入肺經去白睛翳膜紅者不宜多用。

○本草云主積聚冷氣止吐逆反胃消穀下氣。

○液云入手太陰別有清高之氣上焦元氣不足以此補之。

延胡索

氣溫 味辛 辛溫無毒

入手足太陰經

○象云破血治氣月水不調小腹痛煖腰膝破癥瘕碎用。

○液云治心氣痛小腹痛有神主破血產後諸疾因血為病者婦人月水不調腹中結塊崩漏淋露暴血上行因損下血。

茴香

氣平 味辛 無毒

入手足少陰經太陽經藥

○象云破一切臭氣調中止嘔下食炒黃色碎用。
○本草云主諸瘻霍亂及蛇傷又能治腎勞癩疝氣開胃下食又治膀胱陰痛脚氣少腹痛不可忍。

○液云。茴香本治膀胱藥。以其先丙故云。小腸也能潤丙。燥以其先戊故。從丙至壬。又手足少陰二藥以開上下經之通道。所以壬與丙交也。

紅藍花

氣溫 味辛 辛而甘溫苦 陰中之陽 無

毒

○象云。治產後口噤血暈。腹內惡血不盡。絞痛破雷血神效。搗碎用。

○心云。和血與當歸同用。

○珍云。入心養血。謂苦為陰中之陽。故入心。

○本草云。主產後血暈。胎死腹中。竝酒煮服。亦主蠱毒下血。其苗生搗。傅遊腫。其子吞數粒。主天行瘡子不出。其胭脂主小兒聾耳。滴耳中。仲景治六十二種風。兼腹中血氣刺痛。用紅花一大兩。分為四分。酒一大升。煎強半。頓服之。

良薑

氣熱 味辛 純陽

○本草云。治胃中冷。逆霍亂腹痛。反胃嘔食。轉筋瀉

東垣十書 卷三
痢下氣消宿食。

○心云健脾胃。

黃芪

氣溫 味甘 純陽 甘微溫 性平無毒

入手少陽經

足太陰經

足少陰命門之劑。

○象云治虛勞自汗補肺氣入皮毛瀉肺中火如脉
絃自汗脾胃虛弱瘡瘍血脈不行內托陰證瘡瘍

必用之去蘆用。

○珍云益胃氣去肌熱諸痛必用之。

○心云補五臟諸虛不足而瀉陰火去虛熱無汗則
發之有汗則止之。

○本草云主癰疽久敗瘡排膿止痛大風癩疾五痔
鼠瘦補虛小兒百病婦人子臟風邪氣逐五臟間
惡血補丈夫虛損五勞羸瘦腹痛泄痢益氣利陰
氣有白水芪赤水芪木芪功用皆同惟木芪莖短
而理橫折之如綿皮黃褐色肉中白色謂之綿黃

芪其堅脆而味苦者乃苜蓿根也。又云破癥瘕腸風血崩帶下赤白痢及產前後一切病。月候不調消渴痰嗽。又治頭風熱毒目赤骨蒸生蜀郡山谷白水漢中。今河東陝西州郡多有之。芪與桂同功。特味稍異。比桂但甘平不辛熱耳。世人以苜蓿根代之呼爲土黃芪。但味苦能令人瘦。特味甘者能令人肥也。頗能亂真。用者宜審。治氣虛盜汗并自汗。卽皮表之藥。又治膚痛則表藥可知。又治咯血柔脾胃。是爲中州藥也。又治傷寒尺脉不至。又補

腎臟元氣爲裏藥。是上中下內外三焦之藥。今本草圖經只言河東者。沁州綿上是也。故謂之綿芪。味甘如蜜。兼體骨柔軟如綿。世以爲如綿非也。別說云黃芪本出綿上爲良。故圖經所繪者。憲水者也。與綿上相鄰。蓋以地產爲綿。若以柔韌爲綿。則傷者亦柔。但以乾脆甘苦爲別耳。

○東垣云黃芪人參甘草三味退熱之聖藥也。靈樞曰衛氣者所以溫肌肉而充皮膚肥腠理而司開闔黃芪既補三焦實衛氣與桂同特益氣異耳。亦

在左使桂則通血也。能破血而實衛氣通內而實
外者歟。桂以血言。一作色。求則芪為實氣也。惡龍
甲。

蒼朮

氣溫 味甘

入足陽明太陰經

○象云。主治同白朮。若除上溼發汗功最大。若補中
焦除溼力小。如白朮也。

○衍義云。其長如大姆指。肥實。皮色褐。氣味辛烈。須

米泔浸洗。再換泔浸二日。去上麤皮。

○東垣云。入足陽明太陰。能健胃安脾。

○本草但言朮不分蒼白。其蒼朮別有雄壯之氣。以
其經泔浸火炒。故能出汗。與白朮止汗特異。用者
不可以此代彼。

○海藏云。蒼白有止發之異。其餘主治並見圖經。

白朮

氣溫 味甘 苦而甘溫 味厚氣薄陰中陽
也 無毒

入手太陽少陰經。

足陽明太陰少陰厥陰四經。

○象云。除溼益燥。和中益氣。利腰臍間血。除胃中熱。去諸經之溼。理胃。

○潔古云。溫中去溼。除熱降胃氣。蒼朮亦同。但味頗厚耳。下行則用之。甘溫補陽。健脾逐水。寒溼所勝。緩脾生津。去溼渴者用之。

○本草在朮條下。無蒼白之名。近多用白朮。治皮間風止汗消痞。補胃和中。利腰臍間血。通水道。上而

皮毛中。而心胃下。而腰臍在氣主氣。在血主血。○潔古又云。非白朮不能去溼。非枳實不能消痞。除溼利水道。如何是益津液。

當歸

氣溫 味辛甘而大溫 氣味俱輕陽也 甘

辛陽中微陰 無毒

入手少陰經

足太陰經厥陰經

○象云。和血補血。尾破血。身和血。先水洗去土。酒製。

過或火乾日乾入藥血病須用去蘆用

○心云治血通用能除血刺痛以甘故能和血辛溫以潤內寒當歸之苦以助心散寒

○珍云頭止血身和血梢破血治上酒浸治外酒洗糖色嚼之大辛可能潰堅與首蒲海藻相反

○本草云主欬逆上氣溫瘧寒熱洗在皮膚中婦人漏下絕子諸惡瘡瘍金瘡煮汁飲之溫中止痛及腰痛除客血內塞中風痙汗不出溼痺中惡客氣虛冷補五臟生肌肉氣血昏亂服之即定有各歸

氣血之功故名當歸

○雷公云得酒浸過良若要破血即使頭節硬實處若要止痛止血即用尾若一時用不如不使

○易老云用頭則破血用尾則止血若全用則一破一止則和血也入手少陰以其心主血也入足太陰以其脾裏血也入足厥陰以其肝藏血也頭能破血身能養血尾能行血用者不分不如不使若全用在參芪皆能補血在牽牛大黃皆能破血佐使定分用者當知從桂附茱萸則熱從大黃芒硝

則寒諸經頭痛俱在細辛條下。惟酒蒸當歸又治頭痛。以其諸頭痛皆屬木。故以血藥主之。

○藥性論云。臣畏生薑惡溼麩。

○經云。當歸主效逆上氣。當歸血藥。如何治胸中氣。○藥性論云。補女子諸不足。此說盡當歸之用矣。

芍藥

氣微寒 味酸而苦 氣薄味厚陰也降也

陰中之陽有小毒

入手足太陰經

○象云。補中焦之藥。得炙甘草為佐。治腹中痛。夏月腹痛少。加黃芩。如惡寒腹痛。加肉桂一錢。白芍藥三錢。炙甘草一錢半。此仲景神方也。如冬月大寒腹痛。加桂二錢半。水二盞煎一半。去皮用。

○心云。脾經之藥。收陰氣。能除腹痛。酸以收之。扶陽而收陰氣。泄邪氣。扶陰與生薑同用。溫經散溼。通塞利腹中痛。胃氣不通。肺燥氣熱。酸收甘緩。下利必用之藥。

○珍云。白補赤散。瀉肝補脾胃。酒浸行經。止中部腹

痛

○本草云。主邪氣腹痛。除血痺。破堅積。寒熱疝瘕。止痛利小便。益氣通順。血脈緩中。散惡血。逐賊血。去水氣。利膀胱。

○衍義云。芍藥全用根。其品亦多。須用花紅而單葉者。山中者佳。花葉多則根虛。然其根多赤色。其味澀。有色白粗肥者亦好。餘如經然血虛寒人禁此。一物。古人有言。減芍藥以避中寒。誠不可忽。今見花赤者為赤芍藥。花白者為白芍藥。俗云白補而

赤瀉

○東垣云。但澀者為上。或問古今方論中多以澀為收。今本經有利小便一句者何也。東垣云。芍藥能停諸溼而益津液。使小便自行。本非通行之藥。所當知之。又問有緩中一句何謂緩中。東垣云。損其肝者。緩其中。又問當用何藥以治之。東垣云。當用四物湯。以其內有芍藥故也。赤者利小便。下氣白者止痛。散氣血。入手足太陰經。大抵酸澀者為上。為收斂。停溼之劑。故主手足太陰經。收降之體。故

又能至血海而入於九地之下。後至厥陰經也。後人用赤瀉白補者以其色在西方故補色在南方故泄也。

○本草云能利小便非能利之也。以其腎主大小二便既用此以益陰滋溼故小便得通也。

○難經云損其肝者緩其中即調血也。沒藥身藥雷丸為之使。

○本草又云惡石斛苦硝石鼈甲小蘗反藜蘆液云腹中虛痛脾經也。非芍藥不除補津液停溼。

之劑

熟地黃

氣寒 味苦 陰中之陽 甘微苦 味厚氣薄 陰中陽也 無毒

入手足少陰經厥陰經

○象云酒酒蒸如易金假酒力則微溫大補血衰者須用之善黑鬚髮忌蘿蔔

○珍云若治外治上酒製

○心云生則性大寒而涼血熱則性寒而補腎

本草云主折跌絕筋傷中逐血痺填骨髓長肌肉
 作湯除寒熱積聚除痺主男子五勞七傷女子傷
 中胞漏下血破惡血溺血利大小腸去胃中宿食
 飽力斷絕補五臟內傷不足通血脉益氣力利耳
 目生者尤良得清酒麥門冬尤良惡貝母畏蕪荑
 ○東垣云生地黃治手足心熱及心熱入手足少陰
 手足厥陰能益腎水而治血脉洪實者宜此若脉
 虛則宜熟地黃地黃假火力蒸九數故能補腎中
 元氣仲景製八味丸以熟地黃為諸藥之首天一

所生之源也湯液四物以治藏血之臟亦以乾熟
 地黃為君者癸乙同歸一治也蒸搗不可犯鐵若
 犯鐵令人消腎

○陳藏器云蒸乾即溫補生乾即平宜
 ○機要云熟地黃臍下發痛者腎經也非地黃不能
 除補腎益陰之劑二宜丸加當歸為補髓
 生地黃

氣寒 味苦 陰中之陽 甘苦大寒 無毒
 入手太陽經少陰經之劑

○象云涼血補血補腎水真陰不足此藥大寒宜斟酌用之恐損胃氣

○珍云生血涼血

○本草云主婦人崩中血不止及產後血上薄心悶絕傷身胎動下血胎不落墮墜腕折瘀血留血衄鼻吐血皆搗飲之

○液云手少陰又為手太陽之劑故錢氏瀉內與木通同用以導赤也諸經之血熱與他藥相隨亦能治之瀉血便血亦治之入四散例

○心云苦甘陰中微陽酒浸上行外行生血涼血去熱惡貝母畏蕪荑

山藥

氣溫 味甘平 無毒

手太陰經藥

○本草云主補中益氣除熱強陰主頭面遊風風頭眼眩下氣充五臟長肌肉久服耳目聰明輕身耐老延年不飢手太陰藥潤皮毛燥涼而能補與二門冬紫芝為之使惡甘遂

東垣云。仲景八味丸用乾山藥以其涼而能補也。亦治皮膚乾燥以此物潤之。

麻仁

味甘平 無毒

入足太陰經

手陽明經

○本草云。主補中益氣。中風汗出逐水利小便。破積血。復血脈。乳婦產後餘疾。長髮可為沐藥。久服肥健不老。

○液云。入足太陰。手陽明。汗多胃熱便難。三者皆燥。溼而亡津液。故曰脾約。約者約束之義。內經謂燥者潤之。故仲景以麻仁潤足太陰之燥。及通腸也。

薏苡仁 氣微寒 味甘 無毒

○本草云。主筋急拘攣。不可屈伸。風溼痺。下氣除筋骨邪氣。不仁。利腸胃。消水腫。令人能食。久服輕身。益氣。其根能下三蟲。仲景治風溼燥痛。日晡所劇者。與麻黃杏子薏苡仁湯。

甘草

氣平 味甘 陽也 無毒

入足厥陰經太陰經少陰經

○象云生用大瀉熱火炙之則溫能補上焦中焦下焦元氣和諸藥相協而不爭性緩善解諸急故名國老去皮用甘草梢子生用爲君去莖中痛或加苦練酒煮延胡索爲主尤妙

○心云熱藥用之緩其熱寒藥用之緩其寒經曰甘以緩之陽不足補之以甘中滿禁用寒熱皆用調

和藥性使不相悖炙之散表寒除邪熱去咽痛除熱緩正氣緩陰血潤肺

○珍云養血補胃梢子去腎中之痛胸中積熱非梢子不能除

○本草云主五臟六腑寒熱邪氣堅筋骨長肌肉倍力金瘡癩解毒溫中下氣煩滿短氣傷臟欬嗽止渴通經脉利血氣解百藥毒爲九土之精安和七十二種石一千二百種草故名國老

○藥性論云君忌猪肉

○內經曰。脾欲緩。急食甘以緩之。甘以補脾。能緩之也。故湯液用此。以建中。又曰。甘者令人中滿。又曰。中滿者。勿食甘。即知非中滿藥也。甘入脾。歸其所喜攻也。

○或問附子理中。調胃承氣。皆用甘草者。如何是調和之意。答曰。附子理中。用甘草。恐其僭上也。調胃承氣。用甘草。恐其速下也。二藥用之。非和也。皆緩也。小柴胡。有柴胡黃芩之寒。人參半夏之溫。其中用甘草者。則有調和之意。中不滿。而用甘爲之補。

中滿者。用甘爲之泄。此升降浮沈也。鳳髓丹之哉。緩腎溼。而生元氣。亦甘補之意也。經云。以甘補之。以甘瀉之。以甘緩之。本草謂安和七十二種石。千二百種草。名爲國老。雖非君而爲君所宗。所以能安和。草石而解諸毒也。於此可見調和之意。夫五味之用。苦直行而泄。辛橫行而散。酸束而收。鹹止而軟。堅甘上行而發。如何本草言下氣。蓋甘之味。有升降浮沈。可上可下。可內可外。有和有緩。有補有泄。居中之道盡矣。入足厥陰。太陰。少陰。能

治肺痿之膿血而作吐劑能消五發之瘡疽每用
水三椀慢火熬至半椀去粗服之消瘡與黃芪同
功黃芪亦能消諸腫毒瘡疽修治之法與甘草同
○本草又云朮乾漆苦參為之使惡遠志反大戟荒
花甘遂海藻四物

白前

氣微溫 味甘 微寒 無毒

○本草云主胸脇逆氣欬嗽上氣狀似白薇牛膝葦
○衍義云白前保定肺氣治嗽多用白而長於細辛

但粗而脆不似細辛之柔若以溫藥相佐使則尤
佳仲景用。

白薇

氣大寒 味苦鹹平 無毒

○本草云主暴中風身熱肢滿忽忽不知人狂惑邪
氣寒熱酸疼溫瘧洗洗發作有時療傷中淋露下
水氣利陰氣益精近道處處有之狀似牛膝白前
而短小瘰癧驚邪風狂瘧病

○液云局方中多有用作治婦人以本經療傷中下

淋露故也。


○本草又云惡黃芪大黃大戟乾薑乾漆日莖黃大棗

前胡

氣微寒 味苦 無毒

○本草云主痰滿胸脇中痞心腹結氣風頭痛去痰實實不氣治傷寒寒熱推陳致新明目益精牛夏為使惡皂莢畏藜蘆

湯液本草卷之三終



湯液本草卷之四

元古趙海藏王好古進之甫集

明金壇字泰王肯堂損菴甫校

草部

木香

氣熱 味辛苦 純陽 味厚於氣

陰中陽也 無毒

○象云除肺中滯氣若治中下焦氣結滯須用檳榔為使。

○珍云。治腹中氣不轉運和胃氣。

○心云。散滯氣調諸氣。

○本草云。治邪氣辟毒疫瘟鬼強志主淋露療氣少肌中偏寒主氣不足消毒瘟瘧蠱毒行藥之精。

○本經云。主氣劣氣不足補也通壅氣導一切氣破也安胎健脾胃補也除疝癰塊破也與本條補破不同何也易老以為破氣之劑不言補也。

知母

氣寒 味大辛 苦寒味厚陰也降也

苦陰中微陽

無毒

入足陽明經

手太陰腎經本藥

○象云。瀉足陽明經火熱補益腎水膀胱之寒去皮用。

○心云。瀉腎中火苦寒涼心去熱。

○珍云。涼腎腎經本藥上頸行經皆須用酒炒。

○本草云。主消渴熱中除邪氣肢體浮腫下水補不足益氣療傷寒久瘧煩熱脇下邪氣膈中惡及風

汗內疽多服令人泄。

○東垣云。入足陽明手太陰。味苦寒潤。治有汗骨蒸。腎經氣勞瀉心。仲景用此爲白虎湯。治不得眠者。煩躁也。煩者肺也。躁者腎也。以石膏爲君主。佐以知母之苦寒。以清腎之源。緩以甘草粳米之甘。而使不速下也。經云。胸中有寒者。瓜蒂散吐之。又云。表熱裏寒者。白虎湯主之。瓜蒂知母味皆苦寒。而治胸中寒及裏寒何也。答曰。成無已註云。卽傷寒寒邪之毒爲熱病也。讀者要逆識之。如論語言亂。

臣十人書言。唯以亂民其能。而亂四方。亂皆治也。乃治亂者也。故云。亂民亂四方也。仲景所言寒之七字。舉其初而言之。熱病在其中矣。若以寒爲寒。冷之寒。無復用苦寒之劑。兼言白虎證。脈尺寸俱長。則熱可知矣。

貝母

氣平微寒 味辛苦 無毒

○本草云。主傷寒煩熱。淋瀝邪氣。疝瘕。喉痺。乳難。金瘡。風痺。瘰癧。腹中結實。心下滿。洗洗。惡風寒。目眩。項

直咳嗽上氣止煩渴出汗安五臟利骨髓

○仲景寒實結胸外無熱證者三物小陷胸湯主之白散亦可以其內有貝母也別說貝母能散胸中鬱結之氣殊有功

○本草又云厚朴白薇為之使惡桃花畏秦艽礬石莽草反烏頭

○海藏祖方下乳三母散牡蠣知母貝母三物為細末猪蹄湯調下

黃芩

氣寒 味微苦苦而甘 微寒味薄氣厚陽中陰也陰中微陽大寒無毒 入手太陰經之劑

○象云治肺中溼熱療上熱目中赤腫瘀肉盛必用之藥泄肺受火邪上逆於膈上補膀胱之寒不足乃滋其化源也

○心云瀉肺中之火

○潔古云利胸中氣消膈上痰性苦寒下痢膿血稠黏腹疼後重身熱久不可者與芍藥甘草同用

○珍云除陽有餘涼心去熱通寒格陰中微陽酒炒上行主上部積血非此不能除肺苦氣上逆急食苦以泄之

○本草云主諸熱黃疸腸澼洩痢逐水下血閉惡瘡疽蝕火傷瘰癧熱胃中熱小腹絞痛消穀利小腸女子血閉淋露下血小兒腹痛

○東垣云味苦而薄中枯而飄故能泄肺火而解肌熱手太陰劑也細實而中不空者治下部妙

○陶隱居云色深堅實者好又治奔豚臍下熱痛飄

與實高下之分與枳實枳殼同例黃芩其子主腸澼膿血

○本草又云得厚朴黃連治腹痛得五味子牡蒙牡蠣令人有子得黃芪白斂赤小豆療鼠癩山茱萸龍骨爲之使惡葱實畏丹砂牡丹黎蘆

○張仲景治傷寒心下痞滿瀉心湯四方皆用黃芩以其去諸熱利小腸故也又太陽病下之利不止有葛根黃芩黃連湯亦主妊娠安胎散內多用黃芩今醫家常用有效者因著之千金方巴郡太守

奏加減三黃丸療男子五勞七傷消渴不生肌肉
婦人帶下手足寒熱者久服之得行及奔馬甚驗
○陶隱居云黃芩圓者名子芩仲景治雜病方多用
之。

黃連

氣寒 味苦 味厚氣薄陰中陽也升也無毒
入手少陰經

○象云瀉心火除脾胃中溼熱治煩惡心鬱熱在中
焦兀兀欲吐心下痞滿必用藥也仲景治九種心

下痞五等瀉心湯皆用之去鬚用。

○心云瀉心經之火眼暴赤腫及諸瘡須用之苦寒
者主陽有餘苦以除之安蛻通寒格療下焦虛堅
腎

○珍云酒炒上行酒浸行上頭

○本草云主熱氣目痛背傷泣出明目腸澼腹痛下
痢婦人陰中腫痛五臟冷熱久下泄澼膿血止消
渴大驚除水利骨調胃厚腸益膽療口瘡久服令
入不忘。

○液云入手少陰苦燥故入心火就燥也然瀉心其實瀉脾也爲子能令母實實則瀉其子治血防風爲上使黃連爲中使地榆爲下使

○海藏祖方令終身不發斑瘡煎黃連二口見生未出聲時灌之大應已出聲灌之斑雖發亦輕古方以黃連爲治痢之最

○衍義云治痢有微血不可執以黃連爲苦燥劑虛者多致危困實者宜用之

○本草又云龍骨理石黃芩爲之使惡菊花荒花玄

參白蘚皮畏款冬花勝身頭解巴豆毒

大黃

氣寒 味苦大寒 味極厚陰也降也無毒

入手足陽明經

酒浸入太陽經

酒洗入陽明經

餘經不用酒

○象云性走而不守瀉諸實熱不通下大便滌蕩腸胃間熱專治不大便

東垣十書 卷四
○心云滌蕩實熱

○珍云熱淫於內以苦泄之酒浸入太陽經酒洗入陽明經餘經不用酒

○本草云主下瘀血血閉寒熱破癥瘕積聚留飲宿食蕩滌腸胃推陳致新通利水穀調中化食安和五臟平胃下氣除痰實腸間結熱心腹脹滿女子寒血閉脹小腹痛諸老血留結

○液云味苦寒陰中之陰藥泄滿推陳致新去陳垢而安五臟謂如戡定禍亂以致太平無異所以有

將軍之名入手足陽明以酒引之上至高巔以舟楫載之胸中可浮以苦泄之性峻至于下以酒將之可行至高之分若物在巔人迹不及必射以取之也故太陽陽明正陽陽明承氣湯中俱用酒浸惟少陽陽明爲下經故小承氣湯中不用酒浸也雜方有生用者有麩裏蒸熟者其製不等

○衍義云損益前書已具仲景治心氣不足吐血衄血瀉心湯用大黃黃芩黃連或曰心氣旣不足矣而不用補心湯更用瀉心湯何也答曰若心氣獨

東垣十書 卷四
不足則須當不吐衄也。此乃邪熱因心氣不足而客之故。令吐衄以苦泄其熱。就以苦補其心。蓋一舉而兩得之。有是證者用之無不效。惟在量其虛實而已。

○本草又云惡乾漆

連翹

氣平 味苦 苦微寒 氣味俱輕 陰中陽也

無毒

手足少陽經陽明經藥

○象云治寒熱瘰癧諸惡瘡腫除心中客熱去胃蟲通五淋

○心云瀉心經客熱諸家須用瘡家聖藥也

○珍云諸經客熱非此不能除

○本草云主寒熱鼠瘻瘰癧腫癭瘤結熱蠱毒去寸白蟲

○液云手足少陽治瘡瘍瘤氣癭起結核有神與柴胡同功但分氣血之異耳與鼠黏子同用治瘡瘍別有神功

連翹

氣寒 味苦

○本經不見所註。但仲景古方所註云。卽連翹之根也。方言熬者。卽今之炒也。

人參

氣溫 味甘 甘而微苦微寒氣味俱輕陽也

陽中微陰無毒

○象云。治脾肺陽氣不足。及能補肺氣促短氣少氣。補而緩中。瀉脾肺胃中火邪。善治短氣。非升麻爲

引用不能補上升之氣。升麻一分。人參三分。爲相得也。若補下焦元氣。瀉腎中火邪。茯苓爲之使。

○心云。補氣不足。而瀉肺火。甘溫而補陽。利氣脉不足者。是亡血也。人參補之。益脾與乾薑同用。補氣裏虛。則腹痛。此藥補之。是補不足也。

珍云。補胃喘嗽。勿用短氣用之。

○本草云。主補五臟。安精神。定魂魄。止驚悸。除邪氣。明目。開心益智。療腸胃中冷。心腹鼓痛。胸脇逆滿。霍亂吐逆。調中止消渴。通血脉。破堅積。令人不忘。

○液云。味既甘溫。調中益氣。卽補肺之陽。泄肺之陰也。若便言補肺。而不論陰陽寒熱。何氣不足。則誤矣。若肺受寒邪。宜此補之。肺受火邪。不宜用也。肺爲天之地。卽手太陰也。爲清肅之臟。貴涼而不貴熱。其象可知。若傷熱。則宜沙參。沙參味苦甘微寒。無毒。主血積驚氣。除寒熱。補中益肺氣。療胃痺。心腹痛。結熱邪氣。頭痛皮間邪熱。安五臟。補中人參。補五臟之陽也。沙參苦微寒。補五臟之陰也。安得不異。

○易老云。用沙參代人參。取其味甘可也。

○葛洪云。沙參主卒得諸疝。小腹及陰中相引痛。如絨。自汗出。欲死。細末酒調服。方寸匕。立差。

○日華子云。治惡瘡疥癬及身痒。排膿消腫毒。

○海藏云。今易老取沙參代人參。取其甘也。若微苦。則補陰。甘者則補陽。經雖云補五臟。亦須各用本臟藥。相佐使隨所引而相輔一臟也。不可不知。

沙參

味苦甘 微寒 無毒

東垣十書 卷四
治證附前人參條下

半夏

氣微寒 味辛平 苦而辛 辛厚苦輕陽中

陰也 生微寒 熟溫 有毒

入足陽明經太陰經少陽經

○象云治寒痰及形寒飲冷傷肺而欬大和胃氣除胃寒進食治太陰痰厥頭痛非此不能除

○心云能勝脾胃之溼所以化痰渴者禁用

○珍云消胸中痞去膈上痰

○本草云主傷寒寒熱心下堅下氣咽喉腫痛頭眩胸脹欬逆腸鳴止汗消心腹胸膈痰熱滿結欬嗽上氣心下急痛堅痞時氣嘔逆消癰腫墮胎療痿黃悅澤面目生令人吐熟令人下用之湯洗去滑令盡用生薑等分製用能消痰涎開胃健脾射干爲之使惡皂莢畏雄黃生薑乾薑秦皮龜甲反烏頭

○藥性論云半夏使忌羊血海藻飴糖柴胡爲之使俗用爲肺藥非也止吐爲足陽明除痰爲足太陰

小柴胡中雖爲止嘔亦助柴胡能主惡寒是又爲足少陽也又助黃芩能去熱是又爲足陽明也往來寒熱在表裏之中故用此有各半之意本以治傷寒之寒熱所以名半夏經云腎主五液化爲五溼自入爲唾入肝爲泣入心爲汗入脾爲痰入肺爲涕有涎曰嗽無涎曰欬痰者因欬而動脾之溼也半夏能泄痰之標不能泄痰之本泄本者泄腎也欬無形痰有形無形則潤有形則燥所以爲流溼潤燥也

五味子

氣溫 味酸 陰中陽 酸而微苦

味厚氣輕陰中微陽 無毒

入手太陰經

入足少陰經

○象云大益五臟

○孫真人云五月常服五味子以補五臟氣遇夏月季夏之間困乏無力無氣以動與黃芪人參麥門冬少加黃蘗煎湯服使人精神頓加兩足筋力涌

出生用。

○珍云。治欬嗽。

○心云。收肺氣。補氣不足。升也。酸以收逆氣。肺寒氣逆。則以此藥與乾薑同用治之。

○本草云。主欬逆上氣。勞傷羸瘦。補不足。益氣強陰。益精養五臟。除熱。

○日華子云。明目。煖水臟。治風下氣。消食。霍亂轉筋。疝癖奔豚。冷氣消水腫。反胃心腹氣脹。止渴除煩。熱解酒毒。壯筋骨。五味皮甘肉酸。核中辛苦。都有。

鹹味故名。五味子。仲景八味丸用此。為腎氣丸。述類象形也。

○孫真人云。六月常服五味子。以益肺金之氣。在上則滋源。在下則補腎。故入手太陰足少陰也。

甘遂

氣大寒 味苦甘 甘純陽 有毒

○本草云。主大腹疝瘕。腹滿面目浮腫。留飲宿食。破堅消積。利水穀道。下五水。散膀胱。留熱。皮中痞熱。氣堅。滿瓜蒂。為使。惡遠志。反甘草。

○液云可以通水而其氣直透達所結處。

○衍義云此藥專於行水攻決為用入藥須斟酌用

○珍云若水結胸中非此不能除。

大戟 氣大寒 味苦甘 陰中微陽有小毒

○本草云治蠱毒十二水腹滿急痛積聚中風皮膚
疼痛吐逆頸腋癰腫頭疼發汗利大小腸此澤漆
根也。

○液云與甘遂同為泄水之藥溼勝者苦燥除之反

甘草與芫花黃藥子等分水糊為丸桐子大每服
十九傷風傷寒葱白湯下傷食陳皮湯下或十五
丸微加至止亦可芫花別有條海藏十棗湯同用

○珍云瀉肺損真氣。

芫花 氣微寒 味苦辛 有毒

○本草云主傷寒溫瘧下十二水破積聚大堅癥瘕
蕩滌腸胃中留癖飲食寒熱邪氣利水道療痰飲
欬嗽。

東垣十書 卷四
○衍義云。仲景以葶花治利者。以其行水也。水去則利止。其意如此。用時斟酌。不可太過。與不及也。仍察其須。有是證。方可用之。仲景小青龍湯。若微利。去麻黃。加葶花。如雞子。熬令赤色。用之。蓋利水也。
海藻

氣寒 味鹹

○本草云。主癭瘤。氣頸下核。破散結氣。癰腫。癥瘕。堅氣。腹中上下鳴。下十二水腫。療皮間積聚。暴瀆留氣。熱結利小便。

○珍云。洗去鹹。泄水氣。

商陸根

氣平 味辛酸 有毒

○本草云。主水脹。滿癢。痺。熨除癰腫。殺鬼精物。治胸中邪氣。水腫。痿痺。腹滿。洪直。疏五臟。散水氣。如人形者。有神。

○珍云。辛酸。同用。導腫氣。

旋覆花

氣溫 味鹹甘 冷利。有小毒

東垣十書

卷四 湯液本草

七

東垣十書 卷四
○本草云。主補中。下氣消堅。軟痞消胸中痰結。唾如膠漆。臍下膀胱。留飲利大腸。通血脉。發汗吐下後。心下痞噫氣不除者。宜此。

○仲景治傷寒汗下後。心下痞堅噫氣不除。旋覆代赭湯。

○胡洽治痰飲兩脇脹滿。旋覆花丸用之尤佳。
澤瀉

氣平 味甘 甘鹹寒味厚陰也降也陰中微陽

入足太陽經少陰經

○象云。除溼之聖藥。治小便淋瀝。去陰間汗。無此疾服之。令人目盲。

○心云。去舊水。養新水。寒水氣須用。

○珍云。滲瀉止渴。

○本草云。治風寒溼痺。乳難消水。養五臟。益氣力。肥健。補虛損。五勞除。五臟痞滿。起陰氣。止泄精消渴。淋瀝。逐膀胱三焦停水。

○扁鵲云。多服病人眼。

○衍義云其功尤長於行水

○仲景云水揣煩渴小便不利或吐或瀉五苓散主之方用澤瀉故知其用長於行水本經又引扁鵲云多服病人眼誠為行去其水故也仲景八味丸用之者亦不過接引桂附等歸就腎經別無他意凡服澤瀉散人未有不小便多者小便既多腎氣焉得復實令人止泄精多不敢用

○本經云久服明目扁鵲謂多服昏目何也易老云去胞中畱垢以其味鹹能泄伏水故去畱垢即胞

中久陳積物也入足太陽少陰仲景治太陽中風入裏渴者五苓散主之

紅豆

氣溫 味辛 無毒

○本草云主腸虛水瀉心腹絞痛霍亂嘔吐酸水解毒毒不宜多服令人舌麤不能飲食

○液云是高良薑子用紅豆復用良薑如用官桂復用桂花同意

肉豆蔻

氣溫 味辛 無毒

入手陽明經

○本草云主鬼氣溫中治積冷心腹脹痛霍亂中惡冷疰嘔沫冷氣消食止泄小兒傷乳霍亂

甘松

氣平 味甘溫 無毒

○本草云主惡氣卒心腹痛滿治黑皮野黯風疖齒

蜀漆

氣微溫 味辛 純陽 辛平 有毒

○珍云破血

○心云洗去腥與苦酸同用導膽

○本草云主瘧及欬逆寒熱腹中癥堅痞結積聚邪氣蠱毒鬼疰療胸中邪結氣能吐之

○成無已註云火邪錯逆加蜀漆之辛以散之

蒲黃

氣平 味甘 無毒

○本草云主心腹膀胱寒熱利小便止血消瘀血又

云治一切吐衄唾溺崩瀉撲癥帶下等血並皆治之并瘡癩通月候墮胎兒枕急痛風腫鼻洪下乳止泄精血利如破血消腫則生用補血止血則炒用。

天門冬

氣寒 味微苦 苦而辛 氣薄味厚陰地甘

平。大寒無毒陽中之陰

入手太陰經

足少陰經

○象云保肺氣治血熱侵肺上喘氣促加人參黃芪爲主用之神效。

○心云苦以泄滯血甘以助元氣及治血妄行此天門冬之功也。

○本草云主諸暴風溼偏痺強骨髓殺三蟲去伏尸保定肺氣去寒熱養肌膚益氣力利小便冷而能補久服延年多子孫能行步益氣入手太陰足少陰經榮衛枯涸溼劑所以潤之二門冬人參北五味子枸杞子同爲生脉之劑此上焦獨取寸口之

東垣一書 卷四
意

○日華子云。貝母爲使。鎮心潤五臟。益皮膚悅顏色。補五勞七傷。治肺氣并嗽。消痰及風痺。熱毒遊風。煩悶吐血。去心用。

麥門冬

氣寒 味微苦甘 微寒陽中微陰也無毒

入手太陰經

○象云。治肺中伏火。脉氣欲絕。加五味子人參二味。爲生脉之劑。補肺中元氣不足。

○珍云。行經酒浸湯浸去心。治經枯。

○心云。補心氣不足。及治血妄行。補心不足。

○本草云。主心腹結氣傷中傷飽。胃絡脉絕。羸瘦短氣。身重目黃。心下支滿。虛勞客熱。口乾燥渴。止嘔吐。愈痿癆。強陰益精。消穀調中。保神定肺氣安。五臟令人肥健。美顏色。有子。地黄車前子爲之使。惡款冬花苦瓠畏苦參青蘘。入手太陰。

○衍義云。治肺熱之功爲多。其味苦。但專泄而不專收。寒多人禁服。治心肺虛熱及虛勞。麥門冬。地黄。

麻仁阿膠潤經益血復脉通心。一門冬五味子枸杞子同爲生脉之劑。

姜藜

氣平 味甘 無毒

○本草云。主中風暴熱不能動搖。跌筋結肉諸不足。心腹結氣虛熱溼毒。腰痛莖中寒。及目痛背爛淚出。久服去面黑點。

○心云。潤肺除熱。

茵陳蒿

氣微寒 味苦平 陰中微陽 無毒
入足太陽經

○象云。除煩熱。主風溼熱邪結于內。去枝梗。用葉。

○本草云。主風溼寒熱邪氣熱結黃疸。通身發黃。小便不利。除頭熱。去伏瘕。入足太陽。

○仲景茵陳梔子大黃湯。治溼熱也。梔子蘘皮湯。治燥熱也。如茵澇則溼。黃茵旱則燥。黃溼則瀉之。燥則潤之。可也。此一藥治陽黃也。韓祇和李思訓治陰黃。茵陳附子湯。大抵以茵陳爲君。主佐以大黃。

附子各隨其寒熱也

○珍云。治傷寒發黃。

艾葉

氣溫 味苦 陰中之陽 無毒

○本草云。主下痢吐血。下部蠶瘡。辟風寒。令人有子。灸百病。重午日。日未出時。不語採。

○心云。溫胃。

白頭翁

氣寒 味辛苦 無毒有毒

○本草云。主溫瘧狂易。音羊寒熱癥瘕積聚癭氣逐血止痛。療金瘡鼻衄。

○心云。下焦腎虛。純苦以堅之。一名野丈人。一名胡王使者。

百合

氣平 味甘 無毒

○本草云。主邪氣腹脹心痛利大小便。補中益氣。除浮腫臃脹痞滿寒熱。通身疼痛。及乳難喉痺。止涕淚。

仲景治百合病。百合知母湯。百合滑石代赭石湯。有百合雞子湯。百合地黃湯。或百合病已經汗者。或未經汗下吐者。或病形如初。或病變寒熱。並見活人書。治傷寒腹中疼。百合一兩炒黃為末。米飲調服。

○孫真人云。治百合陰毒。煮百合濃汁服一升。
從蓉

氣溫 味甘鹹酸 無毒

○本草云。主五勞七傷。補中除莖中寒熱痛。養五臟。

強陰益精氣。多子。婦人癥瘕。除膀胱邪氣。腰痛。止痢。久服輕身。

○液云。命門相火不足。以此補之。
玄參

氣微寒 味苦鹹 無毒

○象云。足少陰腎經之君藥也。治本經須用。

○本草云。主腹中寒熱積聚。女子產乳餘疾。補腎氣。令人目明。主暴中風傷寒。身熱肢滿。狂邪忽忽。不知人。溫瘧洒洒。血痕下寒。血除胸中氣。下水止煩。

渴

○易老云。玄參乃樞機之劑。管領諸氣。上下肅清。而不濁。風藥中多用之。故活人書治傷寒陽毒。玄參升麻湯。治汗下吐後毒不散。則知為肅清樞機之劑。以此論之。治空中氤氳之氣。無根之火。以玄參為聖藥。

款冬花

氣溫 味甘辛 純陽 無毒

○珍云。溫肺止嗽。

○本草云。主欬逆上氣。善喘。喉痺。諸驚。癩寒。熱邪氣。消渴。喘息。呼吸。杏仁為之。使得紫菀良。惡皂莢。硝石。玄參。畏貝母。辛夷。麻黃。黃芪。黃芩。黃連。青箱。藥性論云。君主療肺氣。心促急。熱乏勞。欬連連。不絕。涕唾稠黏。肺痿。肺癰。吐膿。
○日華子云。潤心肺。益五臟。除煩補勞。劣消痰。止嗽。肺痿吐血。心虛驚悸。
○衍義云。有人病嗽多日。或教以燃款冬花二三兩枚。於無風處。以筆管吸其烟。滿口則嗽之。數日效。

○時習云仲景射干湯用之。

紫參

氣微寒 味苦辛 無毒

○本草云。主心腹積聚。寒熱邪氣。通九竅。利大小便。療腸胃大熱。唾血衄血。腸中聚血。癰腫諸瘡。止渴益精。

○仲景治痢紫參湯。主之。紫參半斤。甘草三兩。水五升。煎紫參取二升。却內甘草。煎取半升。分溫三服。

苦參

氣寒 味苦 氣沉 純陰

○心云。除溼。

○本草云。主心腹結氣。癥瘕積聚。黃疸溺有餘瀝。逐水。除癰腫。補中明目。止淚。養肝膽。氣安五臟。定志益精。利九竅。除伏熱。腸澼。止渴。醒酒。小便黃赤。療惡瘡。下部匿。平胃氣。令人嗜食。輕身。

○衍義云。有人病遍身風熱。細疹痒痛。不可任。連胸脛臍腹近陰處皆然。涎痰亦多。夜不得睡。以苦參末一兩。皂角二兩水一升。揉濾取汁。銀石器熬成。

東垣十書 卷四
膏和苦參末爲丸。如梧桐子大。食後溫水下。二十丸。至二十九丸。次日便愈。

○時習云。苦參揩齒久能病腰。

蘆根

氣寒 味甘

○本草云。主消渴客熱。止小便。金匱玉函治五噎膈。氣煩悶吐逆不下。食蘆根五兩。剉水三盞煮一盞。去粗服無時。

射干 又名烏扇

氣平 味苦微溫 有毒

○本草云。主欬逆上氣。喉閉咽痛。不得消息。散結氣。腹中邪逆。食飲大熱。療老血在心脾間。欬唾言語氣臭。散胸中熱氣。

○衍義云。治肺氣喉痺爲佳。

○仲景治咽中動氣。或閉塞。烏扇湯中用。

○時習云。仲景射干湯用之。

○心云。去胃癰。

敗醬

氣微寒平 味苦鹹 無毒

入足少陰經

手厥陰經

○本草云。主暴熱火瘡赤氣疥癢疽痔馬鞍熱氣除癰腫浮腫結熱風痺不足產後疾痛。

○仲景治腹癰有膿者。薏苡仁附子敗醬湯。薏苡仁十分。附子二分。敗醬五分。三物為末。取方寸匕。以水二升。煎取一升。頓服之。小便當下。愈。

敗醬

氣平

○本草云。主筋澁惡瘡。

○藥性論云。亦可單用。主破血。取蒲黃赤芍藥當歸大黃砂硝同服。治跌撲瘀血。

○陳藏器云。聖惠方治霍亂。

葦葉

○液云。同蘆差大耳。

防已

氣寒 味大苦辛 苦陰也平無毒通行十二

經

○象云治腰以下至足溼熱腫盛脚氣補膀胱去留熱通行十二經去皮用。

○本草云主風寒溫瘧熱氣諸癩除邪利大小便療水腫風腫去膀胱熱傷寒寒熱邪氣中風手脚攣急止泄散癰腫惡結諸蝟疥癬蟲瘡通腠理利九竅。

○藥性論云漢防已君又云木防已使畏女苑鹵鹹去血中溼熱。

牽牛

氣寒 味苦 有小毒黑白二種

○本草云主下氣療脚滿水腫除風毒利小便。

○海藏云以氣藥引之則入氣以大黃引之則入血。

○張文懿云不可耽嗜脫人元氣余初亦疑此藥不可耽嗜後見人有酒食病痞多服食藥以導其氣及服藏用神芩丸及犯牽牛等丸如初服即快藥過再食其病痞依然依前又服其痞隨藥而效藥過後病復至以致久服則脫人元氣而猶不知悔。

戒之。惟當益脾健胃，使元氣生而自能消腐水穀。其法無以加矣。

○心云：瀉元氣去氣中溼熱。凡飲食勞倦，皆血受病。若以此藥瀉之，是血病瀉氣，使氣血俱虛，損所傷雖去，瀉元氣損人不知也。經所謂毋盛盛，毋虛虛，毋絕人長命，此之謂也。用者戒之。白者亦同。

○羅謙甫云：牽牛乃瀉氣之藥，試取嘗之，便得辛辣之味。久而嚼之，猛烈雄壯，漸漸不絕，非辛而何。續註味苦寒。果安在哉。又曰：牽牛感南方熱火之化。

所生者也。血熱瀉氣，差誤已甚。若病溼勝，溼氣不得施化，致大小便不通，則宜用之耳。溼去其氣周流，所謂五臟有邪，更相平也。經所謂一臟未平，以所勝平之，火能平金，而瀉肺氣者，卽此也。然仲景治七種溼證，小便不利，無一藥犯牽牛者。仲景豈不知牽牛能瀉溼利小便，爲溼病之根在下焦，是血分中氣病，不可用辛辣氣藥瀉上焦太陰之氣故也。仲景尚不敢輕用如此，世醫一槩而用之，可乎。又曰：牽牛辛烈瀉人元氣，比諸辛藥尤甚。以辛

東垣一書 卷四
之雄烈故也

三稜

氣平 味苦 陰中之陽 無毒

○象云。治老癰癥瘕結塊婦人血脈不調心腹刺痛須炮用

○珍云破積氣損真氣虛者勿用

○液云。又治氣脹血脈不調補五勞通月經消瘀血色白破血中之氣

蓬莪茂

氣溫 味苦辛 無毒

○象云。治心膈痛飲食不消破疝癰氣最良炮用

○本草云。治婦人血氣丈夫黃豚治心腹痛中惡疰忤鬼氣霍亂冷氣吐酸水解毒飲食不消酒研服

○液云。色黑破氣中之血人氣藥發諸香雖爲泄劑亦能益氣故孫用和治氣短不能接續所以大小七香丸集香丸散及湯內多用此也

草龍膽

氣寒 味大苦 氣味俱厚陰也 無毒

○珍云純陰酒浸上行

○心云除下焦之溼及翳膜之溼

○象云治兩目赤腫睛脹瘀肉高起疼痛不可忍以柴胡爲主治眼中疾必用之藥也去蘆

瓜萋根

氣寒 味苦 味厚陰也 無毒

○本草云主消渴身熱煩滿大熱補虛安中通月水消腫毒瘀血及熱狂

○心云止渴行津液苦寒與辛酸同用導腫氣

○珍云苦純陰若心中枯渴者非此不能除
地榆

氣微寒 味甘酸 苦而酸氣味俱厚陰也

○本草云主婦人乳產七傷帶下月水不止血崩之疾除惡血止疼痛腸風泄血

○象云治小兒疳痢性沉寒入下焦治熱血痢去蘆
○心云去下焦之血腸風下血及瀉痢下血須用之
○珍云陽中微陰治下部血

紫草

氣寒 味苦 無毒

○本草云。主心腹邪氣。五疸。補中。益氣。利九竅。通水道。治腹腫脹滿。去土用茸。

茜根

味苦 陰中微陽

○珍云。去諸死血。

○藥性論云。主治六極。傷心肺。吐血瀉血。

○日華子云。止鼻衄。月經不止。

菊花

苦而甘寒 無毒

○心云。去翳膜。明目。

○珍云。養目血。

○藥性論云。使治身上諸風。

○日華子云。治四肢遊風。利血脉。心煩胸膈壅悶。

葶藶

氣大寒 味苦辛 無毒

○本草云。主癥瘕積聚。結氣。飲食寒熱。破堅逐邪。通利水道。下膀胱水。伏留熱氣。及皮間邪水。上出面

目浮腫身暴中風熱拂癢利小便久服令人虛又云療肺壅上氣欬嗽定喘促除胸中痰飲液云苦甜二味主治同仲景用苦餘方或有用甜者或有不言甜苦者大抵苦則下泄甜則少緩量病虛實用之不可不審本草雖云治同甜苦之味安得不異榆白皮爲之使惡蠶蠶石龍芮仲景亭
、藤大棗瀉肺湯用之。

王不留行

味苦 陽中之陰甘平 無毒

○珍云下乳引導用之。

○藥性論云治風毒通血脈。

○日華子云治遊風風疹婦人月經不勻。

通草

氣平 味甘辛 陽也 無毒燈草同

○象云治陰竅不利行小水除水腫閉治五淋生用

○珍云瀉肺利小便甘平以緩陰血。

○日華子云明目退熱催生下胞下乳。

木通

氣平 味甘 甘而淡。性平味薄。陽也無毒。

○象云主小便不利。導小腸熱。去皮用。

○心云通經利竅。

○本草云除脾胃寒熱。通利九竅。血脈關節。令人不
忘。散癰腫諸結。不消墮胎。去蟲。

瞿麥

氣寒 味苦辛 陽中微陰也

○象云主關格諸癰結。小便不通。治癰腫排膿。明目。
去翳。破胎。下閉血。逐膀胱邪熱。用穗。

○珍云利小便爲君主之用。

○本草云出刺。決癰腫。明目。去翳。破胎。墮子。下閉血。
養腎氣。逐膀胱邪逆。止霍亂。長毛髮。

車前子

氣寒 味甘鹹 無毒

○象云主氣癰閉。利水道。通小便。除溼痺。肝中風熱。
衝目赤痛。

○本草云主氣癰止痛。利水道。通小便。除溼痺。男子
傷中。女子淋瀝。不欲食。養肺。強陰。益精。令人有子。

明目治目熱赤痛輕身耐老

○東垣云能利小便而不走氣與茯苓同功

石韋

此一條與本經無一字同恐別是一物有誤姑存
之名遠墨子血見愁鹿經草也

○時習云今一種作青若葑名蟻子槐作血見愁又
隰州鼓角樓上一種名血見愁俱能破瘀血時習
補或人言紫花似旋風草但花不白又有一種花
黃葉似槐結角如菘豆俗呼夾竹梅

○局方本草石韋味苦甘平無毒主勞熱邪氣五癆
閉不通利小便水道止煩下氣通膀胱滿補五勞
安五臟去惡風益精氣

○藥性論云使治勞及五淋胞囊結熱不通膀胱熱
滿

○日華子云治淋遺溺杏仁爲之使得首蒲良生華
陰又有生古瓦屋上者名瓦韋用治淋亦佳

白附子

陽微溫

○珍云。主血痺。行藥勢。

○本草云。主心痛。血痺。面上百病。行藥勢。

胡蘆巴

苦純陰

珍云。治元氣虛冷及腎虛冷。

○本草云。得槐香子。桃仁。治膀胱甚效。腹脇脹滿。面色青黑。此腎虛證也。

馬兜鈴

苦陰中微陽 味苦寒 無毒

○珍云。去肺熱。安肺氣。補肺。

○本草云。主欬嗽痰結。

○藥性論云。平。能主肺氣上急。坐息不得。主欬逆。連不可。

○日華子云。治痔瘻瘡。以藥瓶中燒熏病處。入藥灸用。是土青木香。獨行根子也。

○聖惠方。治五腫。蠱毒。

○圖經云。亦名土青木香。實主肺病。根治氣。下膈。止刺痛。

白芨

苦甘 陽中之陰 味辛苦平微寒 無毒

○珍云。止肺澁。白斂治證同。

○本草云。主癰腫惡瘡敗傷陰死肌。胃中邪氣賊風鬼擊。非緩不收。白癬疥蟲。

○藥性論云。使治熱結不消。主陰下痿。治面上黧皤。天南星

味苦辛 有毒

○珍云。治同半夏。

○陳藏器云。主金瘡傷折瘀血。取根搗傳傷處。

○日華子云。味辛烈。治撲損瘀血。主蛇蟲咬。傳疥癬

毒瘡。

鬱金

味辛苦 純陰

○珍云。涼心。

○局方本草。鬱金味辛苦寒無毒。主血積下氣生肌。止血破惡血。血淋尿血。金瘡。

○藥性論云。單用亦可。治婦人宿血結聚。溫醋磨服。

○經驗方云。尿血不定。葱白相和煎服效。

○本草云。生蜀者佳。胡人謂之馬逝。亦啖。馬藥用。治脹痛。破血而補。

佛耳草

氣熱 味酸


○象云。治寒嗽及痰。除肺中寒。大升肺氣。少用。款冬花。為使。過食損目。

蛇床

味苦辛甘平無毒

○本草云。主婦人陰中腫痛。男子陰痿淫痒。除痺氣。利關節。癩癰惡瘡。溫中下氣。令婦人子。臍熱。男子陰強。久服輕身。好顏色。令人有子。一名蛇粟。蛇米。五月採。陰乾。惡牡丹巴豆貝母。

湯液本草卷之四



東坡詩集
卷四

美

湯液本草卷之五

元 古趙 海藏王好古進之甫集

明 金壇 宇秦王肯堂損菴甫校

木部

桂


桂心肉桂
桂枝附

氣熱 味甘辛 有小毒

入手少陰經

桂枝入足太陽經

○本草云主溫中利肝肺氣心腹寒熱冷疾霍亂轉



筋頭痛腰痛出汗止煩止唾欬嗽鼻鼾能墮胎堅
骨節通血脉理疎不足宜導百藥無所畏久服神
僊不老生桂陽二月八月十月採皮陰乾有菌桂
牡桂木桂筒桂肉桂板桂桂心官桂之類用者罕
有分別衍義所言不知何緣而得官之名予考本
草有出觀賓宜韶欽諸州者佳世人以筆畫多而
懶畫之故只作官也如寫黃蘗作黃栢薑作姜同
意菌桂生交趾山谷牡桂生南海山谷木桂生桂
陽從嶺至海盡有桂樹惟柳州象州最多本草所

說菌桂牡桂板桂厚薄不同大抵細薄者爲枝爲
嫩厚脂者爲肉爲老處其身者爲中也不必黃色
爲桂心但不用皮與裏止用其身中者爲桂心不
經水而味薄者亦名柳桂易老用此以治虛人使
不生熱也衍義謂桂大熱素問謂辛甘發散爲陽
故張仲景桂枝湯治傷寒表虛皆須此藥是專用
辛甘之意也又云療寒以熱故知三種之桂不取
菌桂牡桂者蓋此二種性止溫而已不可以治風
寒之病獨有一字桂本經謂甘辛大熱正合素問

東垣十書 卷五
辛甘發散爲陽之說。尤知菌桂牡桂不及也。然本經止言桂。而仲景又言桂枝者。蓋亦取其枝上皮也。其本身麤厚處。亦不中用。諸家之說。但各執一已見。終無證據。今又謂之官桂。不知何緣而立名。慮後世以爲別物。故於此書之。又有桂心。此則諸桂之心。不若一字桂也。別說交廣商人所販者。及醫家見用。惟陳藏器之說最是。然筒桂厚實氣味厚重者。宜入治臟及下焦藥。輕薄者。宜入治眼目發散藥。本經以菌桂養精神。以牡桂利關節。仲景

傷寒發汗用桂枝。桂枝者。桂條也。非身幹也。取其輕薄而能發散。一種柳桂。乃小嫩枝條也。尤宜入上焦藥。仲景湯液用桂枝發表。用肉桂補腎。本乎天者親上。本乎地者親下。理之自然。性分之所不可移也。一有差易爲效。彌遠歲月。旣久習以成弊。宜後世之不及古也。桂心通神。不可言之。至於諸桂數等。皆大小老壯之不同。觀作官也。本草所言有小毒。或云久服神僊不老。雖云小毒。亦從類化。與黃芩黃連爲使。小毒何施。與烏附爲使。止是全

得熱性。若與有毒者同用，則小毒既去，大毒轉甚。與人參、麥門冬、甘草同用，能調中益氣，則可久服。可知此藥能護榮氣而實衛氣，則在足太陽經也。桂心入心，則在手少陰也。若指榮字立說，止是血藥。故經言通血脈也。若與巴豆、礪砂、乾漆、川山甲、水蛭、蝮蟲如此，有毒之類同用，則小毒化為大毒，其類化可知矣。湯液發汗，用桂枝補腎，用肉桂小柴胡止云，加桂何也。藥象謂肉桂大辛補下，焦熱火不足，治沉寒痼冷，及治表虛自汗。春夏二時爲

禁藥

○珍云：秋冬治下部腹痛，非桂不能止也。
○心云：桂枝氣味俱輕，故能上行發散於表。內寒則肉桂補陽，則柳桂桂辛熱散經寒，引導陽氣。若正氣虛者，以辛潤之散寒邪，治奔豚。

栝子仁

氣平 味甘辛 無毒

○本草云：主安五臟，除風濕痺，益氣血，能長生，令人潤澤，美顏色，耳目聰明。用之則潤腎之藥也。

東垣十書 卷五
○藥性論云。栝子仁。君惡菊花。畏羊蹄草。能治腰腎中冷。膀胱冷。膿宿水。與陽道。益壽。去頭風。治百邪鬼魅。主小兒驚癇。栝子仁。古方十精丸用之。

側栝葉

氣微溫 味苦 無毒

○本草云。主吐血衄血及痢血崩中赤白。輕身益氣。令人耐寒暑。

○藥性論云。側栝葉。苦辛性溫。治冷風歷節疼痛。止尿血。與酒相宜。

柏皮

○本草黑字。柏白皮。主火灼爛瘡。長毛髮。槐實

味苦酸鹹寒 無毒

○珍云。與桃仁治證同。

○藥性論云。臣治大熱難產。皮煮汁。淋陰囊。墜腫氣。癩。又槐白皮。治口齒風疔。

○日華子云。槐子。治丈夫女人陰瘡濕痒。催生吞七粒。皮。治中風皮膚不仁。喉痺。洗五痔。產門痒痛。及

湯火瘡煎骨止痛長肉消癰腫。

○別錄云。八月斷槐大枝使生嫩葉煮汁釀酒療大風痿痺甚妙。槐耳主五痔心痛女人陰中瘡痛。景天為之使槐花味苦無毒。治五痔心痛眼赤殺腹臟蟲及熱。治皮膚風腸風瀉血赤白痢。槐膠主一切風化痰治肝臟風筋脈抽掣急風口噤四肢不收。頑皮或毒風周身如蟲行或破傷風口眼偏斜腰膝強硬。槐葉平無毒煎湯洗小兒驚疳壯熱疥癬下瘡皮莖同用良。

槐花

苦薄陰也

珍云涼大腸熱

蔓荆子

氣清 味辛溫苦甘 陽中之陰

太陽經藥

○象云。治太陽經頭痛頭昏悶除目暗散風邪藥。胃虛人勿服恐生痰疾。搽淨杵碎用。
○珍云涼諸血止頭痛主目睛內痛。

○本草云惡烏頭石膏大腹子

氣微溫 味辛無毒

○本草云主冷熱氣攻心腹大腸壅毒痰膈醋心竝以薑監同煎時習謂是氣藥也。

○孫真人云先洒洗後大豆汁洗仲景用。

○日華子云下一切氣止霍亂通大小腸健脾胃調中。

酸棗

氣平 味酸 無毒

○本草云主心腹寒熱邪結氣聚四肢酸疼濕痺煩心不得眠脘上下痛血轉久泄虛汗煩渴補中益肝氣堅筋骨助陰氣令人肥健久服安五臟輕身延年。

○胡洽治振悸不得眠人參白朮白茯苓甘草生薑酸棗仁六物煮服。

○聖惠方膽虛不眠寒也酸棗仁炒香竹葉湯調服○濟眾方膽實多睡熱也酸棗仁生用末茶薑汁調

服

胡椒

氣溫 味辛 無毒

○本草云主下氣溫中去痰除臟腑中風冷向陽者為胡椒向陰者為華澄茄胡椒多服損肺味辛辣力大於漢椒

○衍義云去胃中寒痰吐水食已即吐甚驗過劑則走氣大腸寒滑亦用須各以他藥佐之

川椒

氣熱溫 味大辛 辛溫大熱有毒

○象云主邪氣溫中除寒痺堅齒髮明目利五臟須炒去汗

○心云去汗辛熱以潤心寒

○本草云主邪氣欬逆溫中逐骨節皮膚死肌寒濕痺痛下氣除六腑寒冷傷寒溫瘧大風汗不出心腹留飲宿食腸澀下痢泄精女子字乳餘疾散風邪癥結水腫黃疸鬼疰蠱毒耐寒暑開腠理閉口者殺人惡括萋防葵畏雌黃

吳茱萸

氣熱 味辛苦 氣味俱厚陽中陰也辛溫大熱 有小毒

入足太陰經少陰經厥陰經

○象云食則令人口開目瞪寒邪所隔氣不得上下此病不已令人寒中腹滿膨脹下利寒氣諸藥不可代也洗去苦味日乾杵碎用

○心云去胸中逆氣不宜多用辛熱恐損元氣

○珍云溫中下氣溫胃

○本草云主溫中下氣止痛欬逆寒熱除濕血痺逐風邪開腠理去痰冷腹內絞痛諸冷實不消中惡心腹痛逆氣利五臟入足太陰少陰厥陰震坤合見其色綠

○仲景云吳茱萸湯當歸四逆湯大溫脾湯及脾胃藥皆用此也

○衍義云此物下氣最速腸虛人服之愈其藜實為之使惡丹參消石白堊畏紫石英

山茱萸

氣平微溫 味酸 無毒

入足厥陰經少陰經

○本草云。主溫中逐寒濕痺。強陰益精。通九竅。止小便入足少陰厥陰。

○聖濟經云。滑則氣脫。澁劑所以收之。山茱萸之澁以收其滑。仲景八味丸用爲君主。如何澁劑以通九竅。

○雷公云。用之去核。一斤取肉四兩。緩火熬用。能壯元氣。秘精核能滑精。故去之。

○珍云。溫肝。

○本經云。止小便利。以其味酸也。觀八味丸用爲君主。其性味可知矣。

○藥性論亦云。補腎添精。

○日華子亦云。暖腰膝。助水臟也。益智。

氣熱 味大辛 辛溫無毒

主君相二火手足太陰經
足少陰經

本是脾經藥

○象云治脾胃中受寒邪和中益氣治多唾當於補中藥內兼用之勿多服去皮用

○本草云主遺精虛漏小便遺瀉益氣安神補不足安三焦調諸氣夜多小便者取二十四枚碎之入鹽同煎服有神效

○液云主君相二火手足太陰足少陰本是脾藥在集香丸則入肺在四君子湯則入脾在大鳳髓丹則入腎脾肺腎互有子母相關

厚朴

氣溫 味辛 陽中之陰 苦而辛 無毒

○象云能治腹脹若虛弱雖腹脹宜斟酌用之寒脹是大熱藥中兼用結者散之神藥誤用脫人元氣切禁之紫色者佳去皮薑汁製微炒

○珍云去腹脹厚腸胃

○心云味厚陰也專去腹脹滿去邪氣

○本草云主中風傷寒頭痛寒熱驚悸氣血痺死肌去三蟲溫中益氣消痰下氣療霍亂及腹痛脹滿

胃中冷逆胸中嘔不止泄痢淋露除驚去雷熱心煩滿厚腸胃

○本經云治中風傷寒頭痛溫中益氣消痰下氣厚腸胃去腹脹滿果泄氣乎果益氣乎若與枳實大黃同用則能泄實滿本經謂消痰下氣者是也若與橘皮蒼朮同用則能除濕滿本經謂溫中益氣者是也與解利藥同用則治傷寒頭痛與痢藥同用則厚腸胃大抵苦溫用苦則泄用溫則補

○衍義云平胃散中用之最調中至今盛行既能溫

脾胃又能走冷氣

○海藏云加減隨證如五積散治療同

○本草又云乾薑爲使惡澤瀉寒水石硝石

丁香

○氣溫五味辛純陽用無毒

入手太陰經

足陽明經少陰經

○象云溫脾胃止霍亂消痞瘕氣脹反胃腹內冷痛壯陽暖腰膝殺酒毒

○珍云去胃中之寒

○本草云主溫脾胃止霍亂擁脹風毒諸腫牙齒疳
疘能發諸香能療反胃腎氣奔豚氣陰痛壯陽暖
腰膝消痰癖除冷勞

○液云與五味子廣茂同用亦治奔豚之氣能泄肺
能補胃大能療腎

沉香

氣微溫 陽也

○本草云治風水腫毒去惡氣能調中壯陽暖腰膝

破癥癰冷風麻痺骨節不仁濕風皮膚痒心腹痛
氣痢止轉筋吐瀉

○東垣云能養諸氣上而至天下而至泉用為使最
相宜

○珍云補右命門

乳香

苦陽

○珍云定諸經之痛

藿香

氣微溫 味甘辛 陽也甘苦純陽 無毒
入手足太陰經

○象云治風水去惡氣治脾胃吐逆霍亂心痛去枝梗用葉

○心云芳馨之氣助脾開胃止嘔

○珍云補衛氣益胃進食

○本草云主脾胃嘔逆療風水毒腫去惡氣療霍亂心痛溫中快氣治口臭上焦壅煎湯嗽口入手足太陰入順氣烏藥則補肺入黃芪四君子湯則補

脾

檀香

氣溫 味辛熱 無毒

入手太陰經

足少陰經

通行陽明經藥

○本草云主心腹痛霍亂中惡鬼氣殺蟲又云治腎氣諸痛腹痛消熱腫

○東垣云能調氣而清香引芳香之物上行至極高

之分最宜。橙橘之屬。佐以薑棗。將以葛根豆蔻。縮砂益智。通行陽明之經。在胸膈之上。處咽嗑之中。同為理氣之藥。

○珍云。主心腹霍亂。中惡。引胃氣。上升進食。
蘇合香

味甘溫 無毒

○本草云。主辟惡殺鬼精物。溫瘧。蠱毒。痲瘰。去三蟲。除邪。令人無夢魘。久服通神明。輕身。長年。生中臺川谷。

○禹鈔云。按梁書云。中天竺國出蘇合香。是諸香汁煎之。非自然一物也。

檳榔

氣溫 味辛苦 味厚氣輕。陰中陽也。純陽

無毒

○象云。治後重。如神。性如鐵石之沉重。能墜諸藥。至於下極。杵細用。

○心云。苦以破滯。辛以散邪。專破滯氣。下行。

○珍云。破滯氣。泄胸中至高之氣。

本草云。主消穀逐水除痰癖。下三蟲。去伏尸。療寸白蟲。

梔子

氣寒 味微苦 味苦性大寒。味薄。陰中陽也。無毒

入手太陰經

○象云。治心煩懊憹。而不得眠。心神顛倒。欲絕。血滯。小便不利。杵細用。

○心云。去心中客熱。除煩躁。與豉同用。

○珍云。止渴。去懊憹。煩躁。

○本草云。主五內邪氣。胃中熱氣。面赤。酒皰。鼻白。癩。赤癩。瘡。瘍。瘰。目熱。赤痛。胸心大小腸大熱。心中煩悶。胃中熱氣。

○仲景用梔子治煩胸。為至高之分也。故易老云。輕浮而象肺也。色赤而象火。故能瀉肺中之火。本草不言吐。仲景用此為吐藥。梔子本非吐藥。為邪氣在上。拒而不納。食令上吐。邪因得以出。經曰。其高者。因而越之。此之謂也。或用梔子利小便。實非利。

小便清肺也。肺氣清而化。膀胱為津液之府。小便得此氣化而出也。本經謂治大小腸熱。辛與庚合。又與丙合。又能泄戊。其先入中州故也。入手太陰。梔子豉湯治煩躁。煩者氣也。躁者血也。氣在肺。血主腎。故用梔子以治肺煩。用香豉以治腎躁。躁者。懊懣不得眠也。少氣虛滿者。加甘草。若噦嘔者。加生薑橘皮。下後腹滿而煩。梔子厚朴枳實湯。下後身熱微煩。梔子甘草薑湯。梔子大而長者。染色不堪入藥。皮薄而圓。七稜至九稜者。名山梔子。所

謂越桃者是也。

○衍義云。仲景治傷寒發汗吐下後虛煩不得眠。若劇者。必反覆顛倒。心中懊懣。以梔子豉湯治虛煩。故不用大黃。以有寒毒故也。梔子雖寒。無毒。治胃中熱氣。既在血。亡津液。臟腑無潤。養內生虛熱。非此不可除。又治心經留熱。小便赤澀。去皮。山梔子火煨。大黃連翹甘草炙等分。末之。水煎。三錢七服。之者無不效。

○仲景傷寒論及古今諸名醫治發黃皆用梔子茵

陳香或甘草四物等分作湯飲之。又治大病起勞復皆用。梔子鼠矢等湯並利小便而愈。其方極多。不可悉載。用仁去心。胸中熱用皮去肌表熱。

黃蘗

氣寒 味苦 苦厚微辛 陰中之陽降也

無毒

入太陽經引經藥

足少陰經之劑

○象云治腎水膀胱不足諸痿厥脚膝無力於黃芪

湯中少加用之使兩膝中氣力湧出痿即去矣。蜜炒此一味為細末治口瘡如神癰疽必用之藥。

○珍云瀉膀胱之熱利下竅

○心云太陽經引經藥瀉膀胱經火補本經及腎不足苦寒安蛻療下焦虛堅腎經日苦以堅之

○本草云主五臟腸胃中結熱黃疸腸痔止泄痢女子漏下赤白陰傷蝕瘡療驚氣在皮間肌膚熱赤起目熱赤痛口瘡久服通神

○液云足少陰劑腎苦燥故腎停濕也。梔子黃芩入

肺黃連入心黃蘗入腎燥濕所歸各從其類也。活人書解毒湯上下內外通治之惡乾漆積實

氣寒 味苦酸鹹 純陰 無毒

○象云除寒熱破結實消痰癰治心下痞逆氣脇痛 麩炒用。

○心云潔古用去脾經積血故能去心下痞脾無積血則心下不痞治心下痞散氣消宿食苦寒炙用破木積以泄裏除氣

○珍云去胃中濕

○本草云主大風在皮膚中如麻豆苦痒除寒熱結止痢長肌肉利五臟益氣輕身除胸脇痰癰逐停水破結實消脹滿心下急痞痛逆氣脇風痛安胃氣止瀉泄明目生河內川澤商州者佳益氣則佐之以人參乾薑白朮破氣則佐之以大黃牽牛苦硝此本經所以言益氣而復言消痞也非白朮不能去濕非枳實不能除痞殼主高而實止下高者主氣下者止血主氣者在胸膈主血者在心腹伸

景治心下堅大如盤水飲所作枳實白朮湯主之
枳實七枚。朮二兩。水一斗。煎取三升。分三服。腹中
軟即消。

○衍義云。枳實枳殼一物也。小即性酷而速。大則性
詳而緩。故仲景治傷寒倉卒之病。承氣湯中用枳
實。此其意也。皆取其疎通決泄。破結實之義。他方
但導敗風壅之氣。可常服者。故用枳殼。故胸中痞
有結梗。枳殼湯。心下痞。有枳實白朮湯。高低之分。
易老詳定為的也。

枳殼

氣寒 味苦 苦而酸微寒 味薄氣厚陽也
陰中微陽 無毒

○象云治脾胃痞塞泄肺氣麩炒用。

○心云利胸中氣勝濕化痰勿多用損胸中至高之
氣。

○珍云破氣。

○本草云主風痺麻痺通利關節勞氣欬背膊悶
倦散留結胸膈痰滯逐水消脹滿大腸風安胃止

風痛

○藥性論云。枳殼使味苦辛。治遍身風疹。肌中如麻豆。惡痒。殼高。主皮毛胸膈之病。實低。主心胃之病。其主治大同小異。

牡丹皮

氣寒 味苦辛

陰中微陽 辛苦微寒

無毒

手厥陰經

足少陰經

○象云治腸胃積血及衄血吐血必用之藥。

○珍云涼骨蒸

○本草云主寒熱中風癩瘖疰驚癩邪氣除癥堅癩血留舍腸胃安五臟療癰瘡除時氣頭痛客熱五勞之氣腰痛風噤癩疾。

○易老云治神志不足神不足者手少陰志不足者足少陰故仲景八味丸用之牡丹乃天地之精華花之首葉為陽發生花為陰成實丹為赤即火故能濕陰中之火牡丹皮手厥陰足少陰治無汗骨蒸地骨皮足少陰手少陽治有汗骨蒸也。

地骨皮

氣寒 味苦 陰也大寒 無毒

足少陰經

手少陽經

○象云解骨蒸肌熱主風濕痺消渴堅筋骨去骨用根皮

○心云去肌熱及骨中之熱

○珍云涼血涼骨

○本草云主五內邪氣熱中消渴周痺風濕下胸脇

氣客熱頭痛補內傷大勞噓吸堅筋骨強陰利大小腸

○藥性論云根皮細剉麩拌熟煮吞之主腎家風益精氣

○衍義云枸杞當用梗皮地骨當用根皮枸杞子當用其紅實實微寒皮寒根大寒

猪苓

氣平 味甘苦甘寒 甘苦而淡甘重於苦陽也 無毒

入足，太陽經，少陰經。

○象云：除濕比諸淡滲藥，太燥亡津液，無濕證勿服，去皮用。

○心云：若以泄滯甘以助陽，淡以利竅，故能除濕利小便。

○珍云：利小便。

○本草云：主痲瘡，解毒，蠱疰不祥，利水道，能療妊娠淋，又治從脚上至腹腫，小便不利，仲景少陰渴者，猪苓湯入足，太陽少陰。

衍義云：行水之功多，久服必損腎氣，昏人目，果欲久服者，更宜詳審。

茯苓

氣平 味淡 味甘 而淡陽也 無毒

白者入手，太陰經，足，太陽經，少陽經。

赤者入足，太陰經，手，太陽經，少陰經。

○象云：止渴，利小便，除濕，益燥，和中，益氣，利腰臍間血，爲主治，小便不通，溺黃而赤，或不利，如小便利，或數服之，則大損人目，如汗多人服之，損真氣，天

人壽醫云赤瀉白補上古無此說去皮用

○心云淡能利竅甘以助陽除濕之聖藥也味甘平補陽益脾逐水濕淫所勝小便不利淡味滲泄陽也治水緩脾生精導氣

○珍云甘純陽滲泄止渴

○本草云主胸脇逆氣憂恚驚邪恐悸心下結痛寒熱煩滿欬逆口焦舌乾利小便止消渴好唾大腹淋瀝消膈中痰水水腫淋結開胸腑調臟氣伐腎邪長陰益氣力保神守中

○液云入足少陰手足太陽色白者入辛壬癸赤者入丙丁伐腎邪小便多能止之小便澀能利之與車前子相似雖利小便而不走氣酒浸與光明砂同用能秘真味甘平如何是利小便

茯神

陽也 味甘 無毒

○珍云治風眩心虛非此不能安

○藥性論云君主驚癘安神定志補虛乏主心下急痛堅滿人虛而小便不利者

烏藥

氣溫 味辛 無毒
入足陽明經少陰經

○本草云主中惡心腹痛蠱毒疰忤鬼氣宿食不消
天行疫癘膀胱腎間冷氣攻衝背脊婦人血氣小
兒腹中諸蟲又云去猫涎極妙烏藥葉及根嫩時
採作茶片炙展煎服能補中益氣偏止小便滑數
乾漆

氣溫平 味辛 無毒有毒

○本草云主絕傷補中續筋骨填髓腦安五臟治五
緩六急風寒濕痺療欬嗽消痰血痞結腰痛女子
疝瘕利小腸去蛇蟲生漆去長蟲半夏爲之使畏
雞子忌油脂

皂莢

氣溫 味辛鹹 有小毒
引入厥陰經藥

○本草云主風痺死肌邪氣風頭淚出利九竅療腹
脹滿消穀除欬嗽治囊縮婦人胞不落明目益精

可爲沐藥不入湯。

○日華子云。通關節。除頭風。消痰。殺勞蟲。治骨蒸。開胃。破堅痕。腹中痛。能墮胎。栢實爲之使。惡麥門冬。畏空青人參苦參。

○仲景治欬逆上氣。嗜濁。但坐不得臥。皂莢丸主之。杵末一物。蜜丸桐子大。用棗湯服。一丸。日三夜一。○活人書治陰毒。正陽散內用皂莢。引久厥陰也。用之有蜜炙。酥炙。燒灰之異。等分依方。

竹葉

氣平 味辛又苦大寒 辛平無毒

○本草云。主欬逆上氣。溢筋。急惡瘍。殺小蟲。除煩熱。風瘧。喉痺。嘔吐。仲景竹葉湯用淡竹葉。

○心云。除煩熱。緩皮而益氣。

○珍云。陰中微陽。涼心經。

竹茹

氣微寒 味苦

○本草云。主嘔噦。溫氣。寒熱。吐血。崩中。溢筋。

淡竹葉

氣寒 味辛平

○本草云主胸中痰熱欬逆上氣

○藥性論云淡竹葉主吐血熱毒風壓丹石藥毒止渴

○日華子云淡竹及根消痰治熱狂煩悶中風失音不語壯熱頭痛頭風并懷孕婦人頭旋倒地止驚悸溫疫迷悶小兒驚癇天吊莖葉同用見局方本草今錄附于此

苦茶

氣微寒 味苦甘 無毒

入手足厥陰經

○液云臘茶是也清頭目利小便消熱渴下氣消食令人少睡中風昏憤多睡不醒宜用此入手足厥陰茗苦茶苦甘微寒無毒主瘦瘡利小便去痰熱渴治陰證湯藥內用此去格拒之寒及治伏陽大意相似茶苦經云苦以泄之其體下行如何是清頭目

秦皮

氣寒 味苦 無毒

○液云。主熱利下重。下焦虛經云。以苦堅之。故用白頭翁黃蘗秦皮苦之劑也。治風寒濕痺。目中青翳。白膜。男子少精。婦人帶下。小兒驚癇。宜作湯洗目。俗呼為白椹木。取皮漬水。浸出青藍色。與紫草同用。以增光暈尤佳。大戟為之使惡。吳茱萸。

桑白皮

氣寒 味苦酸 甘而辛 甘厚辛薄 無毒
入手太陰經

○象云。主傷中五勞。羸瘦補虛。益氣除肺氣。止唾血。熱渴消水腫。利水道。

○心云。甘以固元氣。辛以瀉肺氣。之有餘。

○本草云。治傷中五勞六極羸瘦。崩中脈絕。補虛益氣。去肺中水氣。唾血熱渴。水腫腹滿。臚脹。利水道。去寸白。可縫金瘡。出土者殺入。續斷。麻子。桂心。為之使。忌鐵鉛。

梓白皮

氣寒 味苦 無毒

本草云主熱去三蟲治目中疾生河內山谷今近道皆有之木似梧桐

紫葳 即凌霄花

氣微寒 味酸 無毒

○本草云主婦人產乳餘疾崩中癥瘕血閉寒熱羸瘦養胎莖葉味苦無毒主痿躄益氣

○日華子云根治熱風身痒遊風風疹治瘀血帶下花葉功用同又云凌霄花治酒醱熱毒風刺婦人血膈遊風崩中帶下

○衍義云木也紫葳花是也畏鹵鹹訶黎勒

氣溫 味苦 苦而酸性平 味厚陰也降

也苦重酸輕 無毒

○象云主腹脹滿不下飲食消痰下氣通利津液破胸膈結氣治久痢赤白腸風去核搗細用

○心云經曰肺苦氣上逆急食苦以泄之以酸補之苦重瀉氣酸輕不能補肺故嗽藥中不用俗名訶子隨風子

本草云主冷氣心腹滿下食仲景治氣痢以訶黎勒十枚麩裏煨灰火中煨之令麩黃熟去核細研爲末和粥飲頓服

衍義云氣虛人亦宜緩緩煨熟少服此物能澁腸而又泄氣蓋其味苦澁故爾其子未熟時風飄墮者謂之隨風子

杜仲

味辛甘平溫無毒陽也降也

本草云主腰脊痛補中益精氣堅筋骨強志除陰

下濕痒小便餘瀝脚中酸疼不欲踐地久服輕身耐老惡蛇脫皮玄參

日華子云暖治腎勞腰脊攣入藥灸用

琥珀

氣平味甘陽也

珍云利小便清肺

本草云安五臟定魂魄消瘀血通五淋杵細用

藥性論云君治產後血疹痛

日華子云療蠱毒壯心明目磨翳止心痛癩邪破

癥結

郁李仁

味苦辛 陰中之陽 辛苦陰也

○珍云破血潤燥

○本草云郁李根主齒斷腫齩齒堅齒去毒蟲

○藥性論云根治齒痛宜結氣破積聚

○日華子云根涼無毒治小兒發熱作湯浴風疔牙
膿煎含之

巴豆

氣溫 味辛 生溫熟寒 有大毒

○本草云主傷寒溫瘧寒熱破癥瘕結聚堅積留飲
痰癖大腹水脹蕩滌五臟六腑開通閉塞利水穀
道去惡肉除鬼毒蠱疰邪物殺蟲魚療女子月閉
爛胎金瘡膿血不利丈夫陰癩殺斑蝥毒健脾開
胃

○易老云斬關奪門之將大宜詳悉不可輕用

○雷公云得火則良若急治為水穀道路之劑去皮
心膜油生用若緩治為消堅磨積之劑炒烟去令

紫黑研用可以通腸可以止泄世所不知也仲景治百病客忤備急丸主之巴豆杏仁例及加減寒熱佐使五色并餘例並見元戎

○珍云去胃中寒濕

芫花

氣溫 味辛苦 有小毒

○本草云主欬逆上氣喉鳴喘急咽腫短氣蠱毒鬼瘡癰腫疝瘕殺蟲魚消胸中痰水喜去聲水腫五水在五臟皮膚及腰痛下寒毒肉毒久服令人虛

仲景治太陽中風脇下痛嘔逆者可攻十棗湯主之

○液云胡洽洽痰癖飲癖加以大黃甘艸五物同煎以相反主之欲其大吐也治之大畧水者肺腎胃三經所主有五臟六腑十二經之部分上而頭中而四肢下而腰臍外而皮毛中而肌肉內而筋骨脉有尺寸之殊浮沉之異不可輕瀉當知病在何經何臟誤用則害深然太意泄濕內云五物者即甘遂大戟芫花大黃甘艸也

蘇木

氣平 味甘鹹 甘而酸辛性平

甘勝於酸辛 陽中之陰無毒

○本草云主破血產後血脹悶欲死者排膿止痛消癰腫瘀血婦人月水不調及血暈口噤

○心云性平甘勝於酸辛去風與防風同用

○珍云破死血

川練子

氣寒 味苦平 有小毒

○本草云治傷寒大熱煩燥殺三蟲疥瘍利小便

細用

○珍云入心主上下部腹痛

金鈴子

酸苦 陰中之陽

○珍云心暴痛非此不能除即川練子也

沒藥

味苦平 無毒

○本草云主破血止痛療金瘡杖瘡諸惡瘡痔漏卒

下血目中醫暈痛膚赤生波斯國似安息香其塊大小不定，黑色。

梧桐淚

味鹹

○珍云癩癧非此不能除。

○本草云味鹹苦大寒無毒主大毒熱心腹煩滿水
和服之取吐又主牛馬急黃黑汗水研二三兩灌
之立瘥

○日華子云治風艸牙齒痛殺火毒并麩毒

○海藥云主風疔蠱齒牙疼痛骨槽風勞能軟一切
物多服令人吐也又為金銀鐸藥

桑東南根

○時習云根暖無毒研汁治小兒天疔驚癇客忤及
傳鵝口瘡大效

果部

大棗

氣溫 味甘 氣厚陽也 無毒

○珍云味甘補經不足以緩陰血

○液云主養脾氣補津液強志二年陳者核中仁主
 腹痛惡氣卒疰忤治心懸經云助十二經脈治心
 腹邪氣和百藥通九竅補不足氣生者多食令人
 腹脹注泄蒸熟食補腸胃肥中益氣中滿者勿食
 甘甘者令人中滿故大建中湯心下痞者減飴棗
 與甘草同例

生棗

味甘辛

○多食令人多寒熱羸瘦者不可食葉覆麻黃能令

出河東平澤殺烏頭毒

陳皮

氣溫 味微苦 辛而苦 味厚陰也 無毒

○象云能益氣加青皮減半去滯氣推陳致新若補
 脾胃不去白若調理胸中肺氣須去白

○心云導胸中滯氣除客氣有白朮則補脾胃無白
 朮則瀉脾胃然勿多用也

○珍云益氣利肺有甘草則補肺無甘草則瀉脾

○本草云主胸中痰熱逆氣利水穀下氣止嘔欬除

膀胱留熱停水五淋利小便主脾不能消穀氣衝胸中吐逆霍亂止瀉去寸白蟲能除痰解酒毒海藏治酒毒葛根陳皮茯苓甘草生薑湯手太陰氣逆上而不下宜以此順之陳皮白檀爲之使其芳香之氣清奇之味可以奪橙也

青皮

氣溫 味辛 苦而辛性寒氣厚陰也

足厥陰經引經藥

又入手少陽經

○象云主氣滯消食破積結膈氣去穢

○心云厥陰經引經藥也有滯氣則破滯氣無滯氣則損真氣

○液云主氣滯下食破積結及膈氣或云與陳皮一種青皮小而未成熟成熟而大者橘也色紅故名紅皮日久者佳故名陳皮如枳實枳殼一種實小而青未穰殼大而黃紫色已穰故殼高而治胸膈實低而治心下與陳皮治高青皮治低同意又云陳皮青皮二種枳實枳殼亦有二種

桃仁

氣溫 味苦甘性平 苦重於甘陰中陽也

無毒

入手足厥陰經

○象云治大便血結血秘血燥通潤大便七宣丸中專治血結破血以湯浸去皮尖研如泥用

○心云苦以泄滯血甘以利新血故凝血須用又去血中之熱

○本草云主瘀血閉癥瘕邪氣殺小蟲止欬逆上

氣消心下堅除卒暴擊血通月水止痛破血入手足厥陰

○衍義云老人虛秘與栢子仁大麻仁松子仁等分同研鎔白蠟和丸如桐子大以少黃丹湯下仲景治中焦畜血用之

杏仁

氣溫 味甘苦冷利 有小毒

入手太陰經

○象云除肺燥治風燥在胸膈間麩炒去皮尖用

○心云散結潤燥散肺之風及熱是以風熱嗽者用之

○本草云主欬逆上氣雷鳴喉痺下氣產乳金瘡寒心賁豚驚癩心下煩熱風氣往來時行頭痛解肌消心下急殺狗毒破氣入手太陰王朝奉治傷寒氣上喘衝逆者麻黃湯內加杏仁陳皮若氣不喘衝逆者減杏仁陳皮知其能瀉肺也

○東垣云杏仁下喘用治氣也桃仁療狂用治血也桃杏仁俱治大便秘當以氣血分之晝則難便行

陽氣也夜則難便行陰血也大腸雖屬庚爲白腸以晝夜言之氣血不可不分也年虛人大便秘不可過泄者脉浮在氣杏仁陳皮脉沉在血桃仁陳皮所以俱用陳皮者以其手陽明病與手太陰俱爲表裏也賁門上主往來魄門下主收閉故王氏言肺與大腸爲通道也

烏梅

氣平 味酸 酸溫陽也 無毒

○象云主下氣除熱煩滿安心調中治痢止渴以鹽

爲白梅亦入除痰藥去核用

○心云收肺氣

○本草云主肢體痛偏枯不仁死肌去青黑痣惡疾
止下痢好唾口乾去骨間熱又方治一切惡瘡肉
出以烏梅燒爲灰杵末傅上惡肉立盡仲景治吐
虵下利烏梅丸。

木瓜

氣溫 味酸

入手足太陰經

○本草云治脚氣濕痺邪氣霍亂大吐下轉筋不止
益肺而去濕和胃而滋脾

○衍義云木瓜得木之正故入筋以鉛白霜塗之則
失酸味受金制也此物入肝故益筋與血病腰腎
脚膝無力此物不可缺也。

○東垣云氣脫則能收氣滯則能和


○雷公云調榮衛助穀氣是也

甘李根白皮

○時習云根皮大寒主消渴止心煩氣逆奔豚仲景

奔豚湯中用之

湯液本草卷之五 終



國家圖書館, NATIONAL CENTRAL LIBRARY, TAIWAN, R.O.C.

湯液本草卷之六

元 古趙 海藏王好古進之甫集

明 金壇 宇泰王肯堂損菴甫校

菜部

荊芥穗

氣溫 味辛苦

○本草云辟邪毒利血脈通宣五臟不足氣能發汗除勞渴杵和醋封毒腫去枝梗手搓碎用治產後血暈如神動渴疾多食薰五臟神破結氣。

東垣十書 卷六
生薑

氣溫 味辛 辛而甘微溫 氣味俱輕陽也
無毒

○象云主傷寒頭痛鼻塞欬逆上氣止嘔吐治痰嗽
生與乾同治與半夏等分治心下急痛鋪細用

○心云能制半夏厚朴之毒發散風寒益元氣大棗
同用辛溫與芍藥同用溫經散寒嘔家之聖藥也
辛以散之嘔爲氣不散也此藥能行陽而散氣

○珍云益脾胃散風寒久服去臭氣通神明

○孫真人云爲嘔家之聖藥

○或問東垣曰生薑辛溫入肺如何是入胃口曰俗
皆以心下爲胃口者非也咽門之下受有形之物
係胃之系便爲胃口與肺同處故入肺而開胃口
也又問曰人云夜間勿食生薑食則令人閉氣何
也曰生薑辛溫主開發夜則氣本收斂反食之開
發其氣則違天道是以不宜食此以平人論之可
也若有病則不然薑屑比之乾薑不熱比之生薑
不潤以乾生薑代乾薑者以其不僭故也

○本草云。秦椒爲之使殺。半夏。葇荂。毒惡。黃芩。黃連。天鼠糞。

乾薑

氣熱 味大辛 辛大熱 味薄氣厚陽中之陽也 辛溫無毒

○象云。治沉寒痼冷。腎中無陽。脉氣欲絕。黑附子爲引用。水煎。二物名薑附湯。亦治中焦有寒。水洗慢火炮。

○心云。發散寒邪。如多用則耗散元氣。辛以散之。是

壯火食氣。故也。須以生甘草緩之。辛熱散裏寒。散陰寒。肺寒與五味同用。治嗽。以勝寒。虻正氣虛者散寒。與人參同補藥。溫胃腹中寒。其平以辛熱。

○珍云。寒淫所勝。以辛散之。經炮則味苦。

○本草云。主胸滿欬逆。上氣溫中。止血出汗。逐風濕痺。腸澼。下利。寒冷腹痛。中惡霍亂。脹滿。風邪諸毒。皮膚間結氣。止唾血。生者尤良。主胸滿溫脾。燥胃。所以理中。其實主氣而泄脾。

○易老云。乾薑能補下焦去寒。故四逆湯用之。乾薑。

本味辛及見火候稍苦故止而不移所以能治裏寒非若附子行而不止也。理中湯用此者以其四順也。

○或云乾薑味辛熱。人言補脾今言泄而不言補者何也。東垣謂泄之一字非泄脾之正氣也是泄脾中寒濕之邪故以薑辛熱之劑燥之故曰泄脾也。薄苛

氣溫 味辛苦 辛涼 無毒
手太陰經厥陰經藥

○象云能發汗通骨節解勞乏與薤相宜新病瘥人勿多食令虛汗出不止去枝梗搓碎用。

○心云上行之藥

○陳士良云能引諸藥入榮衛又主風氣壅併葱白

氣溫 味辛 無毒

入手太陰經
足陽明經

○液云以通上下之陽也。活人書傷寒頭痛如破連

鬚葱白湯主之

○心云通陽氣辛而甘氣厚味薄陽也發散風邪
○本草云蔥實主明目補中不足其莖白平可作湯
主傷寒寒熱出汗中風面目腫傷寒骨肉痛喉痺
不通安胎歸目除肝邪氣安中利五臟益目精殺
百藥毒蔥根主傷寒頭痛蔥汁平溫主溺血解藜
蘆毒

韭白

氣溫 味辛微酸 無毒

○本草云歸心安五臟除胃中熱利病人可久食子
主夢泄精溺白根養髮陰物變為陽

薤白

氣溫 味苦辛 無毒 入手陽明經

○本草云主金瘡瘡敗輕身不饑耐老除寒熱去水
氣溫中散結利病人諸瘡中風寒木腫以此塗之
下重者氣滯也四逆散加此以泄氣滯

○心云治泄痢下重下焦氣滯泄滯氣
瓜蒂

氣寒 味苦 有毒

○本草云。治大水身面四肢浮腫。下水殺蠱毒。欬逆上氣。及食諸果病在胸腹中者。皆吐下之。去鼻中息肉。療黃疸。鼻中出黃水。除偏頭疼。有神。頭目有濕。宜此。瓜蒂苦。以治胸中寒。與白虎同例。俱見知母條下。與麝香細辛同。為使。治久不聞香。臭。仲景鈐方。瓜蒂一十四箇。丁香一箇。黍米四十九粒。為末。合水搗一字。取下。

冬葵子

氣寒 味甘 無毒

○本草云。主五臟六腑寒熱羸瘦。五癰利。小便療婦人乳難。內閉久服。堅筋骨。長肌肉。輕身。○衍義云。性滑利。不益人。患癰毒熱內攻。未出膿者。水吞三五粒。遂作竅膿出。

蜀葵花

冷陰中之陽

○珍云。赤者治赤帶。白者治白帶。赤治血燥。白治氣燥。

香薷

味辛微溫

○本草云主霍亂腹痛吐下散水腫

炊單布

○液云仲景治墜馬及一切筋骨損方中用時習補人

米部

粳米

氣微寒 味甘苦 甘平無毒

入手太陰經少陰經

○液云主益氣止煩止渴止泄與熟鷄頭相合作粥食之可以益精強志耳目聰明本草諸家共言益脾胃如何白虎湯用之入肺以其陽明為胃之經色為西方之白故入肺也然治陽明之經即在胃也色白味甘寒入手太陰又少陰證桃花湯用此甘以補正氣竹葉石膏湯用此甘以益不足之氣○衍義云平和五臟補益胃氣其功莫逮然稍生則復不益脾過熟則佳

赤小豆

氣溫 味辛甘酸 陰中之陽 無毒

○本草云主下水排膿寒熱熱中消渴止泄利小便吐逆卒澀下脹滿又治水腫通健脾胃赤小豆食乏行小便久食則虛令人黑瘦枯燥赤小豆花治宿酒渴病即腐婢也花有腐氣故以名之與葛花末服方寸匕飲酒不知醉氣味辛平大豆黃卷是以生豆為藥待其芽出便曝乾用方書名黃卷皮產婦藥中用之性平

黑大豆

氣平 味甘

○本草云塗癰腫者汁飲殺鬼毒止痛解烏頭毒除胃中熱痺傷中淋露逐水脹下瘀血久服令人身重炒令黑煙未斷熱投酒中治風痺癰瘰口禁產後諸風食罷生服半搗去心胸煩熱明目鎮心不忘惡五參龍膽得前胡烏喙杏仁牡礪良大麥蘖

氣溫 味甘鹹 無毒

○象云補脾胃虛寬腸胃先杵細炒黃取麩用

○本草云能消化宿食破癥結冷氣去心腹脹滿開胃止霍亂除煩去痰治產後秘結鼓脹不通大麥藥并神麩二藥氣虛人宜服以代戊巳腐熟水穀與豆蔻縮砂木瓜芍藥五味子烏梅為之使

小麥

氣微寒 味甘 無毒

○本草云除熱止燥渴咽乾利小便養肝氣止漏血唾血青蒿散有小麥百粒治大人小兒骨蒸肌熱

婦人勞熱

神麩

氣暖 味甘

入足陽明經

○象云消食治脾胃食不化須於脾胃藥中少加之
微炒黃用

○珍云益胃氣

○本草云療臟腑中風氣調中下氣開胃消宿食主霍亂心膈氣痰逆除煩破癥結及補虛去冷氣除

腸胃中塞不下食令人好顏色落胎下鬼胎又能治小兒腹堅大如盤胸中滿胎動不安或腰痛愴心下血不止火炒以助天五之氣入足陽明

酒

氣大熱 味苦甘辛 有毒

○本草云主行藥勢殺百邪惡毒氣能行諸經不止與附子相同味辛者能散味苦者能下味甘者居中而緩也為導引可以通行一身之表至極高之分若味淡者則利小便而速下大海或疑惟酒不

冰三人晨行遇大寒一人食粥者病一人腹空者死一人飲酒者安則知其大熱也

苦酒 一名醋 一名醴

氣溫 味酸 無毒

○液云飲咽瘡主消癰腫散水氣殺邪毒余初錄本草苦酒條本經一名醴又一名苦酒如為一物也及讀金匱治黃疸有麻黃醇酒湯右以美清酒五升煮二升苦酒也前治黃汗有黃耆芍藥桂枝苦酒湯

東垣十書 卷六
餈 卽膠餈

氣溫 味甘 無毒

入足太陰經藥

○液云補虛乏止渴去血以其色紫凝如深琥珀色謂之膠餈色白而枯者非膠餈卽傷糖也不入藥用中滿不宜用嘔家切忌爲足太陰經藥仲景謂嘔家不可用建中湯以甘故也

香豉

氣寒 味苦 陰也無毒

○象云治傷寒頭痛煩燥滿悶生用

○珍云去心中懊懣

○本草云主傷寒頭痛寒熱傷寒初覺頭痛內熱脉洪起一二日便作此加減蔥豉湯蔥白一虎口豉一升綿裹以水三升煎取一升頓服取汗若不汗加葛根三兩水五升煮二升分一服又不汗加麻黃三兩去節

玉石部

石膏

東垣十書

卷六 湯液本草

七

氣寒 味甘辛微寒大寒無毒

入手太陰經少陽經

足陽明經

○象云治足陽明經中熱發熱惡熱燥熱日晡潮熱自汗小便滑赤大渴引飲肌肉壯熱苦頭痛之藥白虎湯是也善治本經頭痛若無餘証勿用

○心云細理白澤者良甘寒胃經大寒藥潤肺除熱發散陰邪緩脾益氣

○珍云辛甘陰中之陽止陽明經頭痛胃弱不可服

下牙痛須用香白芷

○本草云主中風寒熱心下逆氣驚喘口乾舌焦不能息腹中堅痛除邪鬼產乳金瘡除時氣頭痛身熱三焦大熱皮膚熱腸胃中膈氣解肌發汗止消渴煩逆腹脹暴氣喘息咽熱亦可作浴湯

○太上云石膏發汗辛寒入手太陰也

○東垣云微寒足陽明也又治三焦皮膚大熱手少陽也仲景治傷寒陽明證身熱目痛鼻乾不得臥身已前胃之經也胸胃肺之室邪在陽明肺受火

制故用辛寒以清肺所以號為白虎湯也鷄子為之使惡莽草馬目毒公

○藥性論云石膏使惡巴豆唐本註療風去熱解肌滑石

氣寒 味甘大寒 無毒

○象云治前陰不利性沉重能泄上氣令下行故曰滑則利竅不可與淡滲同用白者佳杵細水飛用本草云主身熱洩瀉女子乳難癰閉利小便蕩腸胃積聚寒熱益精氣通九竅六腑津液去留結止

滑令人利中入足太陽滑能利竅以通水道為至燥之劑猪苓湯用滑石與阿膠同為滑利以利水道葱豉生薑同煎去粗澄清以解利淡味滲泄為陽解表利小便也若小便自利不宜以此解之○衍義云暴吐逆不下食以生細末二錢七溫水調服後以熟麩壓之

砂硝

氣溫 味苦辛

○象云除寒熱邪氣逐六腑積聚結痼血癖胃中食

飲熱結去血閉停痰痞滿消毒採細生用
盆硝 卽芒硝

氣寒 味鹹

○心云去實熱經云熱淫于內治以鹹寒此之謂也
○珍云純陰熱淫于內治以鹹寒
○本草云主五臟積聚久熱胃閉除邪氣破留血腹
中痰實結轉通經脈及月水破五淋消腫毒療天
行熱病

○藥性論云使味鹹有小毒通月閉癥瘕下瘰癧黃

疸主漆瘡散惡血

○聖惠方治伐指用芒硝煎湯淋漬之愈

硝石

氣寒 味甘辛 一作苦辛 大寒無毒又云鹹又
云甜甜微緩于鹹

○液云硝石者硝之總名也但不經火者謂之生硝
硝硝經火者謂之盆硝苦硝古人用辛今人用鹹
辛能潤燥鹹能軟堅其意皆是老弱虛人可下者
宜用若用此者以玄明粉代之尤佳本經謂利小

便而墮胎傷寒姙娠可下者用此兼以_{大黃}引之直入大腸潤燥軟堅瀉熱于母俱安內經云有故無殞殞亦無殞也此之謂歟以在下言之則便溺俱陰以前後言之則前氣後血以腎言之總主大小便難溺澀秘結俱為水少經云熱淫于內治以鹹寒佐以苦故以苦硝大黃相須為使也

玄明粉

氣冷 味辛甘 無毒

○液云治心熱煩躁五臟宿滯癢痕明目逐膈上虛

熱消腫毒註中有治陰毒一句非伏陽不可用若正用此除陰毒殺人甚速牙硝條下太清鍊靈砂補注謂陰極之精能化火石之毒

○仙經云陰中有陽之物

硫黃

氣溫大熱 味酸 有毒

○本草云主婦人陰蝕疽痔惡血堅筋骨除頭疥癩心腹積聚邪氣冷癖在脇次逆上氣脚冷疼弱無力及鼻衄惡瘡下部蠶瘡止血殺疥蟲

○液云如太白丹佐以硝石來復丹用硝石之類至陽佐以至陰與仲景白通湯佐以人溺猪膽汁大意相同所以去格拒之寒兼有伏陽不得不爾如無伏陽只是陰證更不必以陰藥佐之也硫黃亦號將軍功能破邪歸正返滯還清挺出陽精消陰化鬼生寬

雄黃

氣溫寒 味苦甘 有毒

○本草云主寒熱鼠瘦惡瘡疽痔死肌瘰癧疥蟲匿瘡

目痛鼻中息肉及絕筋破骨百節中大風積聚癰氣中惡腹痛鬼疰

赤石脂

氣大溫 味甘酸辛 無毒

○本草云主養心氣明目益精療腹痛泄痢下利赤白小便利及癰疽瘡痔女子崩中漏下產難胞衣不出久服補髓好顏色益志不饑輕身延年五色石脂各入五臟補益

○東垣云赤石脂白石脂並溫無毒畏黃芩芫花惡

大黃

○本經云澀可去脫石脂爲收斂之劑胞衣不出出澀劑可以下之赤入丙白入庚

○珍云赤白石脂俱甘酸陽中之陰固脫

○心云甘溫篩末用去脫澀以固腸胃

○局方本草云青石脂養肝膽氣明目黑石脂養腎氣強陰主陰蝕瘡黃石脂養脾氣除黃疸餘與赤白同功

禹餘糧

氣寒 味甘 無毒

○本草云主欬逆寒熱煩滿下痢赤白血閉癥瘕大熱

○本經云重可去怯禹餘糧之重爲鎮固之劑

本草註云仲景治傷寒下痢不止心下痞硬利在下焦者赤石脂禹餘糧湯主之赤石脂禹餘糧各一斤竝碎之以水六升煎取二升去粗分二服
○雷公云看如石輕敲便碎可如粉也兼重重如葉子雌黃此能益脾安五臟

代赭石

氣寒·味苦甘 無毒一名須丸出姑幕者名須丸出代郡者名代赭
入手少陰經

足厥陰經

○本草云主鬼疰賊風蠱毒殺精物惡鬼腹中毒邪氣女子赤沃漏下帶下百病產難胞衣不出墮胎養血除五臟血脉中熱血痺血瘀大人小兒驚氣入腹及陰痿不起

○聖濟經云怯則氣浮重劑所以鎮之怯者亦驚也
鉛丹

氣微寒 味辛黃丹也

○本草云主吐逆反胃驚癇癩疾除熱下氣止小便利除毒熱筋攣金瘡溢血又云鎮心安神止吐血
○本經云澀可去脫而固氣
○成無已云鉛丹收斂神氣以鎮驚也
○藥性論云君治消渴煎膏止痛生肌
白粉

本草云。一名胡粉。一名定粉。一名瓦粉。仲景猪膚湯用白粉非此。白粉卽白米粉也。黃延非治胸中寒。是治胸中塞。誤寫作寒字。

○藥性論云。胡粉使。又名定粉。味甘辛。無毒。能治積聚不消。焦炒止小兒疳痢。

○陳藏器曰。主久痢成疝。粉和水及鷄子白服。以糞黑爲度。爲其殺蟲而止痢也。

紫石英

氣溫

味甘辛

無毒

入手少陰經

足厥陰經

○本草云。主心腹欬逆。邪氣補不足。女子風寒在子宮。絕孕十年無子。療上氣心腹痛。寒熱邪氣結氣。補心氣不足。定驚悸。安魂魄。填下焦。止消渴。除胃中久寒。散癰腫。令人悅澤。久服溫中。輕身。延年。得茯苓人參芍藥共療。心中結氣。得天雄菖蒲共療。霍亂。長石爲之使。畏扁青附子。不欲鮫甲黃連麥句薑。

東垣十書 卷六
○衍義云。仲景治風熱癰瘕。風引湯。紫石英。白石英。寒水石。石膏。乾薑。大黃。龍齒。牡蠣。甘草。滑石。等分。右咬咀。以水一升。煎去三分。食後量多少。溫呷之。不用粗立效。

伏龍肝

氣溫 味辛

○時習云。主婦人崩中吐血。止欬逆。止血消癰腫。
○衍義云。婦人惡露不止。蠶沙一兩炒。伏龍肝半兩。阿膠一兩。同爲末。溫酒調空心服。三錢以止爲

度。

○藥性論云。單用亦可。鹹無毒。

○日華子云。熱微毒。治鼻洪。腸風。帶下。血崩。泄精。尿血。催生。下胞。及小兒夜啼。一云治心痛。及中風心煩。

○陶隱居云。此竈中對金月下黃土也。
白礬

氣寒 味酸 無毒

○本草云。主寒熱泄瀉。下痢白沃。陰蝕惡瘡。消痰止

渴除痼熱治咽喉閉。目痛堅骨齒生合浴急喉痺。
硃砂

味甘

○珍云。心熱者非此不能除。

○局方本草云。丹硃味甘。微寒無毒。養精神。安魂。益氣明目。通血脈。止煩渴。

○藥性論云。君有大毒。鎮心抽風。

○日華子云。涼微毒。潤心肺。惡磁石畏鹹水。

硃砂

味鹹

○本草云。破堅癖。獨不用。入羣隊用之。味鹹苦。辛溫。有毒。不宜多服。主積聚。破結血。爛胎。止痛。下氣。療欬嗽。宿冷。去惡肉。生好肌。柔金銀。可爲錫藥。

○藥性論云。有大毒。畏漿水。忌羊血。味酸鹹。能腐壞人腸胃。生食之。化入心。爲血。能除冷病。大益陽事。
○日華子云。北庭砂。味辛酸。暖無毒。畏一切酸。補水臟。暖子宮。消冷癖。瘀血。宿食。氣塊。疰癖。及婦人血氣心痛。血崩帶下。凡修製用。黃丹。石灰。作置。煨赤。

東垣十書 卷六
使用無毒。柔金銀、驢馬藥亦用。

東流水

味平 無毒

○時習云：千里水及東流水，主病後虛弱，揚之萬過者，藥收禁神效。二者皆堪蕩滌邪穢。此水潔淨，誠與諸水不同，爲雲母所畏。鍊雲母粉用之。

甘爛水

○時習云：揚之水，上成珠者是也。治霍亂及入膀胱，治奔豚藥用之，殊勝。

禽部

鷄子黃

氣溫 味甘

○本草云：陰不足，補之以血。若咽有瘡，鷄子一枚，去黃，苦酒傾殼中，以半夏入苦酒中，取殼置刀環上，熬微沸，去粗，旋旋呷之。又主除熱火瘡癩瘻，可作琥珀神物。黃和恒山末爲丸，竹葉湯服。治久瘧不差。黃合鬚髮煎消爲水，療小兒驚熱下痢。

獸部

龍骨

氣平微寒 味甘陽也 無毒

○本草云主心腹鬼疰精物老魅欬逆泄痢膿血女子漏下癥瘕堅結小兒熱氣驚癇療心腹煩滿四肢痿枯汗出夜臥自驚恚怒伏氣在心下不得喘息臆癰內疽陰蝕止汗縮小便溺血養精神定魂魄安五臟

○本經云澁可去脫而固氣

○成無己云龍骨牡蠣鉛丹皆收斂神氣以鎮驚凡

用燒通赤為粉畏石膏

○珍云固大腸脫

麝香

氣溫 味辛 無毒

○本草云主辟惡氣殺鬼精物療溫瘡蠱毒癰疰去三尸蟲療諸凶邪鬼氣中惡心腹暴痛脹急痞滿風毒婦人產難墮胎

牛黃

氣平 味苦 有小毒

○本草云主驚癇寒熱盛狂逐鬼除邪療小兒百病諸癇熱口噤不開大人癲狂又墮胎久服令人不忘又云磨指甲上黃者為真又云定竟鬼人參為使得牡丹菖蒲利耳目惡龍骨龍膽地黃畏牛膝

犀角

氣寒 味苦酸鹹微寒 無毒

○象云治傷寒溫疫頭痛安心神止煩亂明目鎮驚治中風失音小兒麩豆風熱驚癇鏤用

○本草云主百毒蟲疰邪鬼瘴氣殺鉤吻鳩羽蛇毒除邪不迷惑癡寐療傷寒溫疫頭痛寒熱諸毒氣能治一切瘡腫破血

○液云升麻代犀角說並見升麻條下易老療畜血分三部上焦畜血犀角地黃湯中焦畜血桃仁承氣湯下焦畜血抵當湯丸丸但緩于湯耳一法的當後之用者無以復加

阿膠

氣微溫 味甘辛 無毒 甘辛平

味薄氣厚升也陽也

入手太陰經

足少陰經厥陰經

○象云主心腹痛內崩補虛安胎堅筋骨和血脉益氣止痢炮用

○心云補肺金氣不足除不足其溫補血出東阿得炙良

○本草云主心腹內崩勞極灑灑如瘡狀腰腹痛四肢酸痛女子下血安胎丈夫小腹痛虛勞羸瘦陰

氣不足脚痛不能久立養肝氣益肺氣肺虛極損欬嗽唾膿血非阿膠不補仲景猪苓湯用阿膠滑以利水道活人書四物湯加減例妊娠下血者加阿膠

猪膚

氣寒味甘

入足少陰經

○液云猪皮味甘寒猪水畜也其氣先入腎解少陰客熱是以猪膚解之加白蜜以潤燥除煩白粉以

東垣一書 卷六
益氣斷痢

猪膽汁

氣寒 味苦鹹苦寒

○液云仲景白通湯加此汁與人尿鹹寒同與熱劑合去格拒之寒又與醋相合內穀道中酸苦益陰以潤燥瀉便

○本經云治傷寒熱渴又白猪蹄可用雜青色者不可食療疾亦不可

○心云與人尿同體補肝而和陰引置陽不被格拒

能入心而通脉

獺肝

味甘 有毒

○本草云主鬼炷蠱毒却魚鱖止久嗽燒灰服之
猥鼠糞

○治傷寒勞復經言牡鼠糞兩頭尖者是或在人家諸物中遺者

人尿

○時習云療寒熱頭疼溫氣童男子者尤良

○衍義云人尿須用童男者產後溫一盃壓下敗血惡物久服令人反虛氣血無熱尤不可多服此亦性寒故治熱勞方中亦用也

○日華子云小便涼止勞渴嗽潤心肺療血悶熱狂撲損瘀血運絕及蛇犬等咬以熱尿淋患處難產胞衣不下即取一升用薑葱煎乘熱飲即下

蟲部

牡礪

氣微寒 味鹹平 無毒

入足少陰經

○象云治傷寒寒熱溫瘧女子帶下赤白止汗止心痛氣結澁大小腸治心脇痞燒白研細用

○珍云能軟積氣之痞經曰鹹能軟堅

○心云鹹平熬泄水氣

○本草云主傷寒寒熱溫瘧灑灑驚恚怒氣除拘緩鼠瘻女子帶下赤白除留熱在關節榮衛虛熱往來不定煩滿止汗心痛氣結止渴除老血澁大小腸止大小便療泄精喉痺欬嗽心脇下痞熱能去

瘰癧一切瘡腫入足少陰鹹爲軟堅之劑以柴胡引之故能去脇下之硬以茶引之能消結核以大黃引之能除股間腫地黃爲之使能益精收澀止小便本腎經之藥也久服強骨節殺鬼延年貝母爲之使使得甘草牛膝遠志蛇牀子良惡麻黃吳茱萸辛黃

○藥性論云君主之劑治女子崩中止血及盜汗除風熱定痛治溫瘧又和杜仲服止盜汗爲末蜜丸服三十九令人面光白永不值時氣又治鬼交精

出病人虛而多熱加用之地黃小草

○陳士良云牡蠣搗粉粉身治大人小兒盜汗和麻黃根蛇牀子乾薑爲粉粉身去陰汗衍義意同
文蛤

氣平 味鹹 無毒

○本草云主惡瘡蝕五痔欬逆胸痺腰痛脇惡鼠瘻大孔出血崩中漏下能利水治急疔蝕口鼻數日盡欲死燒灰臘猪脂和塗之墜痰軟堅止渴收澀固濟蛤粉也鹹能走腎可以勝水文蛤尖而有紫

斑

蜜蟲

氣微寒 味苦平 有毒

○本草云主目中赤痛背傷淚出瘀血血閉寒熱酸
慚無子炒去翅足

水蛭 一名馬蛭

氣微寒 味鹹苦平 有毒

○本草云主逐惡血瘀血月閉破血痕積聚無子利
水道墮胎炒用畏鹽苦走血鹹勝血仲景抵當湯

用蜜蟲水蛭鹹苦以泄畜血故經言有故無殞也
雖可用之亦不甚安莫若四物湯加酒浸大黃各
半下之極妙

麩蟲

味鹹寒 有毒

○本草云主心腹寒熱灑灑血積癥瘕破堅下血閉
生子大良仲景主治久瘕積結有大黃麩蟲丸
衍義云乳汁不行研一枚水半合濾清汁服勿令
服藥人知之

鼠婦

氣溫微寒 味酸 無毒

○本草云主氣癰不得小便婦人月水閉血痕癰症寒熱利水道伸景治久瘡大鼈甲丸中使之以其主寒熱也

蜘蛛

微寒

○本草云主大人小兒癩疔七月七日取其羅療善忘神景治襍病狐疝偏有大小時時上下者蜘蛛

蟻螬

微寒微溫 味鹹 有毒

○本草云主惡血血瘀痺氣破折血在脇下堅滿痛月閉目中淫膚青翳白膜吐血在胸中不去及破骨踈折血結金瘡血塞產後中寒下乳汁伸景治雜病方大黃麋蟲丸中用之以其主脇下堅滿也續傳信方治喉痺取蟲汁點在喉中下即喉開也

時習補入

蜜

氣平微溫 味甘 無毒

○本草云主心腹邪氣諸驚癇症安五臟諸不足益氣補中止痛解毒除衆病和百藥養脾氣除心煩飲食不下止腸澼餓中疼痛口瘡明耳目

○液云凡鍊蜜必須用火熬開以紙覆經宿紙上去蠟盡再熬色變不可過度令熟入藥

蟣娘

氣寒 味酸 有毒

○本草云治小兒驚風癇瘕腹脹寒熱大人癲疾狂易手足端寒支滿奔豚

○日華子云墮胎治疰杵和乾薑傅惡瘡出箭頭

○圖經云心主丁瘡

○衍義云大小二種一種大者爲胡蠅娘身黑光腹翼下有小黃子附母飛行晝不出夜方飛至人家戶庭中見燈光則來一種小者身黑暗晝方飛出夜不出今當用胡蠅娘以其小者研三十枚以水

灌牛馬腸結佳

螿甲

氣平 味鹹 無毒

○本草云主心腹癥瘕堅積寒熱去鼻中瘕肉陰蝕痔惡肉療溫瘡血瘕腰痛小兒脇下堅

○衍義云治勞瘦除骨中熱極佳

蛇蛻

○心云去翳膜用之取其意也

○日華子云止嘔逆小兒驚悸客忤催生癰瘍白癩

風煎汁傳入藥灸用

蟬蛻

○心云治同蛇蛻

○藥性論云使治小兒渾身壯熱驚癇兼能止渴又云其蛻殼頭上有一角如冠狀謂之蟬花最佳味甘寒無毒主小兒天弔驚癇癢夜啼心忤

白殭蠶

味鹹辛平 無毒

○本草云主小兒驚癇夜啼去三蟲滅黑黚令人面

東坡一書
色好男子陰瘍病女子崩中赤白產後餘痛滅諸
瘡癩痕生頰川平澤四月取自死者勿令中濕濕
中有毒不可用

斑蝥

味辛寒 有毒

○本草云主寒熱鬼疰蠱毒鼠瘻疥癬惡瘡疽蝕死
肌破石癰血積傷人肌墮胎畏巴豆

烏蛇

○本草云主諸風瘙癢疹疥癬皮膚不仁頑皮諸風

用之炙入丸散浸酒合膏背有三稜色黑如漆性
善不噬物江東有黑稍蛇能纏物至死亦是其類
生商洛山

五靈脂

味甘溫 無毒

○本草云主療心腹冷氣小兒五疳辟疫治腸風通
利氣脉女子月閉出北地此是寒號蟲糞也
緋帛

○液云主惡瘡丁腫毒腫諸瘡有根者作膏用帛如

手大取蠶蜂房蠶頭棘刺爛草節二寸許亂髮燒未作膏主丁瘡腫又主小兒初生臍未落時腫痛水出燒為末細研傅之又五色帛主盜汗拭乾訖棄五道頭仲景治墮馬及一切筋骨損方中用

湯液本草卷之六

終

湯液本草後序

劉禹錫云神農本經以硃書名醫別錄以墨書傳寫既久硃墨錯亂遂令後人以爲非神農書以此故也至於素問本經議者以爲戰國時書加以補亡數篇則顯然非太素中語宜其以爲非軒岐書也陳無擇云王叔和脉訣卽高陽生剽竊是亦後人增益者雜之也何以知其然予觀劉元賓註本雜病生死歌後比之他本卽少八句觀此八句不甚滑溜與上文書意重疊後人安得不疑與本草硃書雜亂素問之補

東垣一書
亡混殺何以異哉宜乎識者非之繼而紛紜不已也
吾不知他時誰爲是正如元賓與潔古詳究而明稱
其中凡有所疑而不古者削去之或不復註而直書
本文吾不知爲意易曉不必云耶爲非聖賢之語而
辨之耶二者必居一于此又啓玄子註素問恐有未
盡以硃書待明者改刪增益傳錄者皆以墨書其中
不無差誤如刺熱論註五十九刺首云王註豈啓玄
子之自謂乎此一篇又可疑也兼與靈樞不同以此
經比之素問八十九刺何者爲的以此觀之若是差

別勞而無益學者安所適從哉莫若以金匱考之仲
景所不言者皆所不取則正知真見定矣盧君論血
枯舉太素云此得之年少時大脫血而成又舉子死
腹中穢物不消又舉犯月水入房精與積血相射入
于任脈留于胞中古人謂之精積元豐中雒州陳邦
濟收一方治積精及惡血淹留胞冷絕娠驗者甚多
其意與內經相近烏賊魚骨本治漏下與經汁不斷
藺茹去淹留惡血古人用此皆本草法予觀方註條
云古人用此皆本草法一句何其知本哉以是知軒

東坡詩集卷之五
岐之學實出于神農也。又知伊尹湯液不出于軒岐，亦出于神農也。皆之一字至甚深廣也。豈獨烏賊斷汗之一字哉？故知張伯祖之學皆出于湯液，仲景師而廣之，迄今湯液不絕矣。晉唐宋以來號明醫者皆出于此。至金大定間，潔古老人張元素及子雲岐子張璧、東垣、李杲明之。三老者出，想千百載之下無復有之也。何以知其然？蓋當時學者雖多，莫若三老之實絕也。昔戊申仲夏晦日，王好古書于家之草堂。